

史料旬刊

第四十期



中華民國二十年七月一日出版

史料旬刊第四十期

編輯所 故宮博物院文獻館

發行所 神武門外發行所

印刷所 故宮印刷所



		郵費		價目表	
		外埠	國內	四角	每旬一冊
本市	上海	每期一角	每期二角	四角	每旬一冊
	天津	每期一角	每期二角	六角五分	每旬一冊
其他各大書店均有代售		掛號遞送以免遺失		十二元	預定全年三十六冊

史料旬刊第四十期目錄

福建鐵尺會案 原件藏大高殿

(一) 喀爾吉善摺  
陳弘謀

(二) 李勳摺

(三) 喀爾吉善  
陳弘謀摺二

(四) 新柱摺

(五) 李勳摺二

(六) 喀爾吉善  
陳弘謀摺三

(七) 喀爾吉善  
陳弘謀摺四

宮內拿獲竊賊案 原件藏南三所

(一) 內務府摺

(二) 內務府摺二

安南攻勦沙匪案 原件藏大高殿

(一) 碩色摺  
愛必達摺

(二) 碩色摺

(三) 碩色摺二

安南脫回廠徒案 原件藏大高殿

(一) 陳輝祖摺  
敦福摺

(二) 陳輝祖摺

清嘉慶朝修建各處殿宇案 原件藏大高殿

(一) 永琅等摺

黎奇珍潛赴安南滋事案 原件藏大高殿

(一) 李侍堯摺

(二) 熊學鵬摺

清道光朝關案稅 原件藏大高殿

(一) 和世泰摺



(二)成貴摺

(三)內務府摺

(四)孫爾準摺

(五)阮元摺

(六)許乃濟摺

(七)常興摺

(八)常興摺二

(九)常興摺三

(十)七十四摺

(十一)七十四摺二

(十二)七十四片

(十三)福森摺

(十四)福森摺二

(十五)戴 聰摺

(十六)達 三摺

(十七)鍾 靈摺

(十八)鍾 靈摺二

(十九)經額布摺

(二十)明 倫摺

(二十一)嵩溥摺

(二十二)琬珠摺

(二十三)烏爾恭額摺

(二十四)鍾靈摺三

(二十五)蘇章安摺

(二十六)胡調元摺

(二十七)長 良摺

(二十八)琦善摺

(二十九)多齡摺

(三十)鄭家麟摺

福建鐵尺會案

喀爾吉善摺  
陳弘謀

閩浙總督革職留任又從寬留任臣喀爾吉善  
福建巡撫臣陳弘謀

謹奏爲奏明拏獲鐵尺會奸民現在查辦

情形事竊照臣等於五月初間風聞邵武建寧一帶有奸民倡立鐵尺會各以小鐵尺爲記號結聯多人橫行鄉曲等情臣等恐有不法奸民結聯爲匪情事當卽密飭延建邵道李星聚邵武府知府周克昌密加訪查係何縣地方倡立此會會首係何處奸民一經訪有確情卽一面嚴行拏究一面稟報飭辦去後嗣於五月二十五六等日接據延建邵道李星聚稟報訪得邵武縣屬禾坪里有杜國祥杜奇羅家球等結拜弟兄會名鐵尺立有會單交會首收存現經邵武縣將杜國祥拿獲到案究訊會夥等情又據建陽縣詳報訪得縣屬與邵武接界地方民人江茂等與邵邑奸民杜奇江鎮華等結聯鐵尺會現將江茂等拿獲究追夥黨等情復經飛飭嚴究確情拘拿餘黨在案茲於六月初三日據邵武縣知縣郎棻會同泰寧縣知縣朱山審訊杜國祥據供與羅家球杜奇等

結會屬實隨將供出之會夥羅家球等拿獲九名並追起鐵尺二根內杜奇一名聞風潛逃訊據羅家球會簿已經燒燬並供杜國祥家有劄付散賣等語隨即搜查杜國祥家內並無劄付於舊書內搜出偽劄稿底一紙究訊杜國祥係上年七月間因貧乏起意與杜奇杜正連商謀造劄散賣誑騙銀錢即借李開花之名聲稱劄係得自彼處檢得舊本誥命龍邊式樣令同會之張繼美刊刻杜國祥捏造劄內文詞用黃綾製成偽劄十一張交給杜奇往各鄉散賣因無人聽信尙未散賣交回國祥收藏本年三月間曾哄騙羅家球索銀三十兩賣給劄付一張家球先付銀十二兩尙未給與劄付查訊國祥之母羅氏據稱劄付早已燒燬等情到臣等臣等查奸民糾結多人倡立鐵尺會橫行鄉曲已屬不法乃匪徒杜國祥杜奇等復敢造作偽劄潛行散賣所供因貧起意誑騙銀錢恐尙非實情其偽劄或係另有來歷亦難憑信臣等即日飛飭延建邵道李星聚星夜馳往邵武親行究訊已獲各犯切實確供一有究出要犯就近立即擒捕追究其在逃之杜奇等並續行究出要犯恐該地營員不能切實督率

緝捕又經派委署督標左營參將阿思泰馳往邵武督率邵武營將備分頭上緊緝拿不使一名漏網俟該道李星聚到邵將先後所獲人犯究訊一有頭緒臣等卽飭提人犯來省親加覆訊實情應作何辦理之處容臣等另行具摺奏請聖訓遵行謹將現在辦理情形先行奏聞並將搜獲偽劄底稿抄錄恭呈御覽伏祈皇上聖鑒謹奏乾隆十八年六月初五日硃批知道了

### 李勳摺

福建汀州鎮總兵官臣李勳謹奏爲奏聞事竊臣駐劄汀州統轄邵武凡邵武地方事宜不時留心差查本年肆伍月間聞邵武禾坪地方有奸民結黨名號鐵尺會因未查有確據未便率遽飭拏隨密飭邵武參將鄒世權嚴加訪查去後嗣於本年伍月貳拾玖日據參將鄒世權稟據左營守備張連璧稟稱伍月拾柒日有防守府訊把總羅大勇稟報會同邵武縣在南門外拏獲鐵尺會犯杜國祥陳起鳳貳名又在禾坪之坪坵村羅家村拏獲羅家球羅家璧廖子勇廖魁黃世和在大賴村拏獲杜正謨等嗣外委王國賢又在禾坪地方拏獲羅

康松甯義標等俱交邵武府縣訊供隨有熊子敬劉衍崇鄭林廖名標劉陞羅國仲曾旺廖乾讓赴府自首俱經府縣審訊卽在杜國祥家搜出偽劄底稿壹紙等由到臣一面呈咨督撫提臣一面遣差臣標署中營守備顏鳴臯星馳赴邵協辦查拏併嚴飭該參將多差弁兵會同文員遍加查緝務淨根株更查臣標右營把總高聯係邵武人氏人地熟識復差星夜赴邵凡有供出會夥分頭嚴緝解交文員審理毋使漏網俱經呈咨督撫提臣在案緣建陽先獲江茂江天貴押回邵武供吐張爲中黃理係汀州寧化人氏據稟到臣登卽飛飭臣標左營遊擊伍士功會縣拏獲黃理壹名其張爲中在逃未獲嗣又據參將鄒世權稟據千總陳姚貴外委劉永貴先後拏獲要犯杜正連僧道三又拏獲窩藏杜正連之李若蘭押解赴府審訊當在杜正連家搜出偽銅印壹顆竊照此案先在杜國祥家搜出偽稿今又在杜正連家搜出偽印其爲不法已極務必嚴加窮究以靖地方查杜國祥卽名杜耀係邵武右營兵丁又杜國祥供出楊魁邦壹名係邵武左營兵丁俱卽革糧押交文員審訊又據劉陞供出左營兵丁

黃安袁芳米國文方必榮傅聖祿等伍名右營兵丁官勇趙光等貳名共柒名俱經嚴飭革糧押交文員審訊更飭此外有無兵丁在夥務須徹底確查毋致狗隱所有此案據各犯供出會首杜奇要犯江正華張繼美現在逃匿以及未獲餘黨臣併嚴飭遍加查緝務獲聽督撫貳臣審究律擬合將臣轄邵武奸民結黨鐵尺會併拏獲各犯搜出偽劄底稿偽印緣由繕摺專遣外委把總王大喜齎捧奏聞再照失察兵丁入會員弁各職名俯容審訊定案另再揭報併將偽劄底稿照抄恭呈御覽伏乞睿鑒謹奏乾隆拾捌年柒月拾伍日硃批覽

喀爾吉善  
陳弘謀摺一

閩浙總督革職留任又從寬留任臣喀爾吉善  
福建巡撫臣陳弘謀謹奏爲奏明續獲鐵尺會奸民現在速審

究擬事臣等於本年五月內訪得邵武縣屬禾坪里有杜國祥等糾結多人倡立鐵尺會橫行鄉曲復造偽劄散賣因無人聽信尙未賣去臣等一面飭行延建邵道李星聚馳往邵郡速行查究並委署督標左營參將阿思泰馳往查拏餘犯一面抄錄偽劄恭摺奏聞在案嗣據文武官陸續稟報拏獲要犯杜正連



僧道二等並入會夥黨劉陞等四十餘名臣等復委候補知府劉嗣孔協同邵武道府就已獲各犯逐加究訊緣邵武縣監生羅家璧同弟羅家球於乾隆元年父故年幼恐人欺壓邀集羅康松等共十一人結拜弟兄以防外侮迨後家球長成學習拳棒與杜國祥杜奇等結交相好杜國祥原係羅姓外甥曾充營書退役復充邵武城守營兵丁乾隆十三年五月國祥糾集羅家球杜奇黃玉翰羅家璧等二十五人在下神廟邀集結會飲酒相約凡有爭產打降告狀被人欺侮之事會中都要出頭幫助原非人人俱有鐵尺鄉民以其兇狠因名之曰鐵尺會十七年三月杜奇又邀已獲之僧道三杜正模并建陽縣界首民人已獲之江茂江天貴等十人結拜弟兄立有會單其序頭係杜國祥所作內有我輩欲結同心必學久要不忘切毋以酒肉爲知己切毋以患難而罔聞庶無愧於古人而有別乎庸流等語此該犯等先後結會之大略也迨乾隆十七年七月內杜國祥杜正連杜奇等各言貧乏起意僞造劄副借李開化之名聲稱得自彼處騙錢使用杜國祥檢得舊本誥命龍邊式樣令同會之張繼美刊刻



杜國祥捏造劄詞用黃綾製成偽劄十一張填寫將軍總兵兵備道官銜并令張繼美刊刻方樣木印一顆上寫受命於天既壽永昌篆文八字用就劄副令杜奇往各鄉散賣因無人肯信尙無買受之人止得羅家球銀一十二兩尙未給與劄副旋因查拏鐵尺會杜國祥恐賣劄事破將造成偽劄木印令伊母羅氏一并燒燬後在杜國祥家搜取鐵尺會簿於舊書內搜出偽劄底稿嚴加究訊杜國祥始將造劄散賣情由供出至詰其造劄散賣結聯匪類明是潛謀不軌據杜國祥供原想弄些銀子用也要結識好漢偷遇着荒年風吹草動就有幫助了等語杜國祥復於上年四月內將祖上遺存明代廢印一顆給與杜正連執爲憑據令其糾人入夥亦未招徠有人續獲杜正連起出埋藏廢印印面刊刻篆文係經理部標忠吟營總兵官關防查驗其印係舊坯新刊現經提貯司庫此該犯等偽造劄印之情由也臣等查奸民創立鐵尺會糾結多人逞兇橫行已屬不法復敢僞造劄副潛行散賣察其僞劄文詞及僞印語句其圖謀不軌之心已屬昭著此等奸徒必須速行審明立賞重典庶海疆要地咸知儆

畏統計首犯杜國祥已經拏獲爲從之杜正連杜奇張繼美知情散劄之羅家球甯義標黃周生高日輝杜正連僧道三楊耀散劄未受之吳鄭周江茂蔡觀生等內惟杜奇張繼美二犯尙未弋獲臣等訪聞杜奇張繼美有逃入江西境內之事隨已密札咨會江西撫臣鄂容安委員嚴加防範協同查拏餘犯同僅入鐵尺會不知僞造散劄情事各犯俱經拏獲臣等察核案情杜國祥等潛謀製造僞劄僞印誘衆入夥尙因爲時未久無人信從未能肆其蠱惑適遇查拏鐵尺會搜出僞劄底稿逐層追究奸宄陰謀和盤托出造劄散劄之事已據杜正連等十餘犯到案供明其餘鐵尺會內之人詰訊杜國祥劄副情事皆茫然不知臣等現在飭提一千人犯令延建邵道李星聚督率委員嚴加管押分起解省臣等會同親加嚴審先就造劄散劄各現犯按其情罪分別定擬速行奏聞請旨一面卽行完結餘犯無多緝獲另結庶奸徒咸知炯戒而重案亦不致拖延矣至聽糾入鐵尺會之鄉民人數甚多卽衙役兵丁亦有入會者臣等嚴行究訊如果實無造劄受劄情事卽照例定擬完結不敢稍爲寬縱至此案造

劄爲首之杜國祥卽邵武營兵丁杜耀雖於未發覺之先拏獲究出但該管將備例應嚴加處分臣等於正案內一并查明參處合並陳明臣等謹公同繕摺具奏伏惟聖鑒謹奏乾隆拾捌年柒月拾玖日硃批看來非大事將爲首者重處餘不致蔓延可耳不必具題具摺奏聞

### 新柱摺

福州將軍兼管閩海關事臣新柱謹奏爲奏聞事竊照閩省邵武縣奸民杜國祥杜奇羅家球等結鐵尺會製散僞劄一案先據該道府等具報獲犯訊供緣由經臣於六月初八日繕摺奏聞在案隨經督撫二臣委署督標左營參將阿思泰並飭延建邵道李星聚前往邵武督拿人犯并令候補知府劉嗣孔赴邵協同審理去後嗣於六月二十五日據參將阿思泰稟報拿獲案內要犯杜正連六月二十七日又據該將報獲會夥黃立五廖觀九六月二十九日據汀州府寧化縣報獲會夥黃理七月初二日據參將阿思泰報獲會夥羅家訓蕭顯文吳鄭周黃周生高日輝同日又據邵武府并邵武縣訊報撰造僞劄者係杜

國祥商謀造劄者係杜奇杜正連僧道三刊刻印板者係張繼美知情散劄者係羅家球甯義標杜正模江茂吳鄭周高日輝蔡觀生彭如萬張維華等同日又據延建邵道報稱羅家球自號霸王交結無賴在城一會禾坪一會舊市街一會先無一定行次至乾隆十五年五月十三日並集禾坪之下神廟合成一會恃衆橫行鄉民畏勢名爲鐵尺乾隆十七年四月二十一日杜奇杜國祥同到杜正連家謀爲不軌起意造劄分散五月十四日聞建陽縣民會夥江茂被拿事發各卽脫逃將僞劄會簿等項燒燬七月初五日據邵武縣知縣郎棻會同泰寧縣知縣朱山訊報據杜國祥供稱僞劄內所用方印有三寸寬描受命於天旣壽永昌八箇篆字交張繼美刊刻商量造劄散賣想騙銀兩並圖結識好漢遇着荒年獲有幫手七月初六日據參將阿思泰稟報於江西新城縣拿獲僧道三七月初七日據邵武府知府周克昌稟報訊據杜正連供稱上年四月十三日杜國祥杜奇與伊三人到僧道三菴內結拜弟兄論武藝不論年紀第一杜國祥第二杜奇第三杜正連餘則楊耀僧道三黃會川張維華彭如萬

金山等犯又稱製造劄付有家當有好漢俱行給散等語七月初八日據邵武府稟報訊據僧道三供稱杜國祥造劄招人逢不好年成就作亂上年四月初六日杜國祥有顆銅印交與杜正連收受質據杜正連供認是實印藏菜園中石下隨委光澤縣典史王萬成前往起出銅印一顆並遣該典史賈省呈驗經臣查看印面篆文係經理部標忠唵營總兵官關防印背鑿禮部造字樣當給該典史交布政司衙門貯庫訖七月十一日據邵武府等報獲蔡觀生訊供上年六月內杜國祥曾給總兵劄一張尙未領受惟見劄是黃綾所造邊上有龍尾後年月蓋印是何年號記不清楚七月十三日據參將阿思泰報獲會夥羅紹周張維華七月十八日又據該將報獲會夥楊耀各到臣經臣先後節次批行該文武會同嚴拿未獲有名夥犯並飭究結會散劄刊製僞印謀爲不軌實情窮詰會薄僞印僞劄數目作何着落是否實係聞風先被燬滅并研訊夥黨確有若干逐一指出何人招誘及住址姓名盡行捕獲分別按擬詳解督撫二臣具題以彰國法仍將現在各犯先供入夥後稱扳誣之兵役人等確加質

對毋稍枉縱外茲經督撫二臣行提各犯赴省審究尙未解到理合恭摺奏聞伏乞皇上聖鑒謹奏乾隆十八年七月二十日硃批知道了

李勳摺二

福建汀州總鎮兵官臣李勳謹奏爲奏聞事竊臣轄邵武禾坪地方奸民結黨名號鐵尺會先經密飭參將鄒世權訪查拏獲杜國祥陳起鳳繼又拿獲羅家球等俱押解府縣審訊暨起出偽劄偽印等緣由業經繕摺奏聞嗣據參將鄒世權稟稱禾坪鐵尺會一案匪犯陸續共緝獲六十三名又兵丁八名奉督撫二臣檄飭併解赴省隨於七月十五等日分爲頭二三起押解赴省矣尙有會首杜奇要犯張繼美等在逃未獲今據參將鄒世權稟稱會同各差員弁遍加偵緝於本年七月二十七日晚在崇安縣棕衣林地方香菰廠內拏獲杜奇張繼美二犯解交邵武縣會差兵役解赴省城聽候督撫二臣審究律擬合將緝獲會首杜奇要犯張繼美緣由繕摺奏聞伏乞皇上睿鑒謹奏乾隆十八年八月十六日硃批覽



喀爾吉善  
陳弘謀摺二

閩浙總督革職留任又從寬留任臣喀爾吉善  
福建巡撫臣陳弘謀

謹奏爲奏明事竊照邵武縣屬

禾坪里奸民杜奇等糾立鐵尺會橫行鄉曲臣等訪聞嚴飭該郡文武查拏究出杜國祥等製造偽劄偽印糾人入夥情由先後拏獲散劄受劄知情各犯經臣等將提犯赴省親行督審並分別先後辦理緣由於七月十九日具摺奏聞九月初九日奉到硃批看來非大事將爲首者重處餘不致蔓延可耳不必具題具摺奏聞欽此欽遵在案茲臣等督率司道府縣悉心推鞠臣等復提犯親行反覆詰訊各犯等結會雖已多年人數亦漸衆多起初原止結聯會衆同心合力以禦外侮迨後同會漸多杜奇原係無賴拳棍杜國祥恃係營兵杜正連又係革退馬快三人互相勾結既圖以偽劄誑騙錢財復藉會內人衆橫行不法遂製造偽劄偽印潛行散劄又恐無人信從假托李開花轉給名目聳人聽聞正在各處散布適值查拿鐵尺會人犯供出伊等姓名同會之府書許紹雲通知信息杜奇等恐散劄事敗先後密爲焚棄迨後於杜國祥家搜出偽劄稿

底杜正連家起出舊存銅印逐層追究始得商謀造劄造印輾轉糾人受劄入夥各情由質訊明確起意造劄爲匪者實係杜奇夥同商謀製造劄印者杜國祥杜正連此三犯實爲罪魁禍首幫同散劄招夥及知情受劄者羅家球僧遣三楊耀高日輝江茂蔡觀生黃周生吳鄭周徐周太九犯知造劄爲匪情由及受寄劄付者張繼美彭玉萬甯義標杜正連杜正榮張惟華楊奎邦羅棋盤許紹雲熊子敬劉陞十一犯以上二十三犯反覆詰訊實係同謀知情造散僞劄之犯臣等現在按律分別定擬另具正摺奏請聖鑒其餘向在鐵尺會內之色民人以及營兵衙役臣等再四嚴究雖在會中實未知杜奇等造散僞劄情事卽隔別研訊杜奇等亦矢供並未告知伊等造劄情由所有僅止入會各犯臣等現在另案照例定擬係民人依例枷杖係兵役加等杖徒依行枷號分別發落卽行完結以仰副我皇上不致蔓延之聖訓是以未經叙入正摺之內所有遵旨分別辦理緣由相應繕摺奏明伏乞聖鑒謹奏乾隆十八年十月初六日硃批覽俱悉



喀爾吉善  
陳弘謀摺四

閩浙總督革職留任又從寬留任臣喀爾吉善  
福建巡撫臣陳弘謀

謹奏爲審明定擬遵旨具奏事竊照本

年五月內臣等訪得邵武府屬有奸民杜國祥杜奇等倡立鐵尺會糾結多人橫行鄉曲密飭道府查拏結會奸民嗣經拏獲會犯羅家球訊出杜奇等有製造偽劄散賣情事卽於杜國祥家內搜出偽劄底稿後於杜正連家內搜出偽印臣等因察其偽劄文詞及偽印語句隱懷不軌之心恐別有來歷黨與一面飛飭道府押解案犯赴省臣等親行督審一面將究出實情辦理緣由於七月十九日恭摺奏聞欽奉硃批令臣等具摺奏聞欽遵在案嗣經提犯至省并續獲要犯杜奇等檄委福州府知府徐景熹別案參革邵武府知府周克昌署閩縣知縣熊定猷署侯官縣知縣祁烺泰寧縣知縣朱山會同嚴行鞫訊茲據署按察司事糧驛道顧濟美會同布政使德舒延建邵道李星聚覆審定擬招解到臣等臣等提犯督同司道逐細詰訊與司道府等所審供情無異緣邵武縣奸民杜奇自幼學習拳棒素行強梁乾隆十一年間因近村馬丹九等酗酒肆

橫杜奇欲與抗衡遂同堂弟現充邵武右營兵丁之杜國祥先後邀約廖子勇等二十九人結拜弟兄計圖幫護又同里監生羅家璧家道殷實先於乾隆元年因父故弟幼邀集羅康松等十二人結拜關聖會以禦外侮後羅家球長成家璧遂將會事交卸家球承管家球逐漸邀增羅文耀等十六人每年五月內祀神飲酒迨至乾隆十五年杜奇會內之黃啟茂被馬丹九等毆傷適羅家球會內之羅康松見而不平出頭幫護并被毆傷於是杜奇羅家球兩會合作一會以圖制勝十五年五月十三日在下神廟會聚飲酒合共會衆五十六人杜國祥做成會序將各姓名登入會簿交杜奇收存從此鄉民側目傳有鐵尺會之名遂有府縣書役許紹雲等亦先後入會乾隆十七年三月初二日杜奇又邀建陽縣馬快江茂併僧道二等在杜國祥家結會亦將姓名附入簿內以上各犯雖經違禁糾衆結會尙無畝血焚表爲匪情事至是年四月十三杜奇又以杜正連頗有膂力復同道二邀杜正連及伊兄杜正榮伊弟杜正模至道三菴內同杜國祥彭玉萬楊耀張惟華羅棋盤黃會川葉金三等共十二人飲酒

結會杜正榮杜正模張惟華黃會川飲畢先歸杜奇杜國祥杜正連彭玉萬楊耀僧道三羅棋盤葉金三在菴住宿飲至夜深彭玉萬葉金三酒醉先睡杜奇等各誇本領杜奇輒起意爲匪倡言會友已衆俟荒旱之年風吹草動可以橫行無阻衆各稱好杜奇又欲另招好漢杜正連以無憑據難以招致杜奇遂憶及伊故祖杜士元曾於國初時在魚池內拾有鄭逆僞總兵官銅印壹顆存在杜國祥家可以爲憑隨於十五日至杜國祥家取出銅印擦磨光亮同杜國祥往杜正連家給與觀看作爲招人憑據杜正連允從十六日杜奇帶印同杜國祥杜正連彭玉萬復至僧道三菴內買備三牲杜國祥撰寫祝文在神前祭告并斬斷雞頭立誓如有背盟卽同此雞杜奇令杜國祥捧印遞交杜正連收受共飲而散二十日杜奇又至杜正連家以銅印止有一顆不能分給必須另製劄付方可分散因伊二人不能製造往邀杜國祥至杜正連家商謀造劄杜國祥遂畫出劄邊式樣交與杜奇二十五日杜奇將劄式携給素會雕佛之會友張繼美令其照刻一塊張繼美聽從刊刻二十九日杜奇携歸至五月初七日

杜奇將板交給杜國祥杜國祥出其所撰劄稿與看囑其託名係李開花所給易於招人杜奇見稿內靖共爾位四字不似招人語意令杜國祥更改杜國祥又改招聚軍士字樣杜奇隨買黃白紙張杜國祥印刷黃紙劄付二十張白紙劄付一十張時因杜國祥之妻鄧氏見而吵鬧杜奇恐致洩露隨將紙劄同板携交彭玉萬寄會友張惟華家收藏嗣杜奇復以紙劄不壯觀瞻且無蓋印恐人不信欲思製造綾劄猶恐杜國祥之妻復行吵鬧杜奇於五月內向曾捷元租空閑書館一間并買黃綾一疋邀杜國祥製造綾劄因紙劄之板長大綾幅窄小難以刷印杜奇往喚張繼美至館令其另雕龍邊一條杜國祥於篆文要訣書內描出秦璽受命於天既壽永昌篆文八字令張繼美用木刻成印信將黃綾裁作十一幅適楊耀來城學習弓馬應試武童杜國祥邀其至館同住令楊耀幫同刷印共造劄付十一張楊耀囑杜國祥另撰提督劄文自填劄付一張杜國祥亦詭填杜長嘯姓名兵備道劄付一張作爲樣劄誘人承領六月二十五日江茂同蔡觀生至館探望杜國祥因江茂在建陽熟識人多招其入夥

江茂許在黃坑一帶招人杜國祥遂填給將軍劄付一張併因蔡觀生素善拳棒填給總兵劄付一張至夜蔡觀生在書館打拳被巡兵查詢杜奇等恐其復來搜查當將木印邊板燒燬後因杜正連江茂各緣官事未結杜正連復又患病纏綿未經散劄至乾隆十八年三月間杜奇欲出門散劄缺乏盤費遂同杜正連往與羅家球相商告知散劄情事羅家球允出路費并欲同往杜奇以羅家球係有錢之人既肯出銀散劄將來可以續製綾劄隨於初四日向張惟華將紙劄取回燒燬四月初三日羅家球攜銀十二兩令寧義標挑運行李至杜正連家杜奇攜劄七張並杜長嘯樣劄一張於初六日同杜正連羅家球寧義標四人出門初八日至高日輝家填給輔國將軍劄付一張高日輝收受初十日杜奇等又至徐周太家填給將軍劄付一張徐周太收受允爲招人適杜正連染病當卽回歸五月初九日杜奇杜正連復携空劄樣劄共六張至黃周生家填給黃周生將軍劄付一張黃周生隨邀杜奇等至吳鄭周家招鄭周入夥填給將軍劄付一張吳鄭周許俟舉事助穀一百石時因邵武文武訪有鐵尺

會名色兵捕四出查拏杜奇等聞知訪拏鐵尺會人犯隨即奔回杜奇私向同會之邵府書役許紹雲邵武縣書役熊子敬探問消息並告以曾經散劄託其照應隱匿許紹雲告以查拏嚴緊恐致敗露囑勿供攀紹雲又轉向同會之府書劉陞告知杜奇等散劄情由劉陞熊子敬俱扶同不首杜奇隨即回至杜國祥家將劄付交給收藏十一日杜國祥將空劄三張並劄樣一張用紙封固寄與鄰居相好之邵協左營兵丁楊奎邦藏放十五日杜奇將會簿藏於衣箱內寄放會友黃啟茂家十七日杜國祥被拏搜獲劄稿楊奎邦懼累將劄交還杜國祥之母羅氏即在竈內燒燬十八日杜奇聞國祥被拏又令寺僧傳心至黃啟茂家取出會簿燒燬六月初八日杜正連逃至光澤縣李若蘭家止稱結會事發給銀五錢求其隱藏李若蘭引至山洞潛匿十一日黃周生被獲遇見徒弟吳從周令其往囑吳鄭周將劄燒燬江茂被拏適遇族人江允泰隨以燒燬匣內物件之語寄信伊母亦將劄付燒去節據縣營先後拏獲各犯究明倡謀爲匪交印造劄分頭招人各情由歷歷如繪誠恐會衆俱有同謀暨與外省奸



匪勾結並隱藏僞劄縱漏夥黨情事嚴加窮究僉供會衆實未知情同謀其指稱粵省李開花名色止圖聳人領劄與粵省奸匪實無勾結之事至所造綾劄實止十一張俱因聞擊銷燬並無隱藏縱漏矢供不移查律載謀叛未行爲首者絞爲從者皆杖一百流三千里等語今杜奇起意造劄謀匪應照謀叛未行爲首律擬絞立決杜國祥代撰劄稿摹擬印篆共謀散劄杜正連接受銅印允許招人共謀造劄散劄以上二犯與杜奇同惡相濟若照爲從減等未足蔽辜應請照爲首律亦擬絞立決羅家球代出盤費同往散劄僧道三窩留結盟交印楊耀高日輝江茂蔡觀生黃周生吳鄭周徐周太等各受將軍提督總兵僞劄應照謀叛未行爲從律皆杖一百流三千里照例流徙烏喇地方張繼美知情代刻劄邊木印彭玉萬代寄僞劄竊義標挑送行李知情跟往散劄杜正模杜正榮知情見劄張惟華受寄紙劄楊奎邦受寄綾劄羅棋盤雖於造劄散劄訊未知情但結會之夜杜奇倡言謀匪該犯係在場共聞許紹雲熊子敬劉陞旣知散劄情由匿不首報以上十一犯均合依知未行而不首律杖一百徒三

年許紹雲熊子敬劉陞係書役應加一等杖一百流二千里許紹雲現於邵武府周克昌參案內有受贓之處應俟彼案審明從重歸結李若蘭止知杜正連結會事發不知造劄謀匪情事合依知人犯罪引送隱匿減罪人罪一等律應照結拜弟兄杖一百減一等杖九十吳從周係黃周生教受拳棒徒弟除寄信吳鄭周燒劄輕罪不議外合依投師學習拳棒例杖一百仍枷號一個月江允泰代江茂寄信燒去匣內物件不知僞劄情由曾捷元租給杜奇書館不知造劄情事均請免議搜獲僞劄印稿發回銷燬所有失察兵丁杜國祥謀匪并失察書役許紹雲等扶同諱匿之該管官於該犯等甫經糾結之時卽經拏獲搜出僞印底稿其扶同諱匿情由俱經自行究出實於事前覺察呈報所有失察職名例得邀免其實未知造劄爲匪情事僅止邀合會衆結拜兄弟亦無歆血焚表之羅家璧等各犯臣等現在分案審明照律定擬分別發落完結合并陳明臣等謹遵旨繕摺具奏伏祈皇上聖鑒施行謹奏

乾隆十八年十月初六日

硃批（有旨諭部）



宮內拿獲竊賊案

內務府摺

總管內務府謹奏爲議罪事乾隆四十年八月初七日奉上諭據總管太監王成奏八月初四日寧壽宮履順門內拿獲從牆上跳下一人交監督等領去等因一摺宮殿禁地賊匪敢於在內潛踪偷竊甚爲可惡且所竊銅索尙有藏於天溝內者其匿跡諒非一日必係久慣飛簷走壁猾賊未必實係傭工夫匠或前歲銀庫被竊卽此賊所爲亦未可知但銀庫失銀一案至今未得正賊此案若專交內務府大臣辦理恐其附會前事歸併此賊希圖銷案著將拿獲之賊交舒赫德會同英廉等虛公審訊究其偷竊踪跡及從何項人內混入之處務得實情按律問擬賊人敢在宮殿潛匿行竊况係關防重地其罪卽應斬決若能訊得前歲賊情確實自是天網恢恢自當併案嚴辦若與彼案不相干涉亦不可強爲牽就了案舒赫德辦事向極細心務必詳細研究不必急求完事致有疎漏其拿賊獲犯之太監張永勝等三人應令王成各賞銀二兩至拿獲之

處如卽係張永勝等所管功罪亦難相抵除賞給銀兩外仍交王成責處若另係他人所管尤當查明從重責處至總管太監王成等難辭失察之咎並著交內務府大臣等議罪其監督楊作新七十一係在工監修之員每日工匠出入豈有不查點人數致容留賊匪在內行竊其咎較王成等猶重著交舒赫德等從重議罪將此傳諭知之欽此欽遵除太監張永勝等分別賞罰之處業經總管太監王成具奏其監督楊作新等現在大學士舒赫德會同議罪另摺具奏外查首領太監朱興邦等係專司看守宮殿之人當此大工興修夫匠衆多之時每日散工後理應逐處搜查勿致宵小潛藏在內夜間猶應小心巡查乃並未留心巡查防範以致賊犯郭四五兩次潛藏大內肆行偷竊其平日疏懶之咎實所難辭請將首領太監朱興邦劉文玉蕭得祿王保玉高進忠均照失查罰俸一年例加倍罰錢糧二年王成係總管太監乃平素並未詳加稽查以致被竊咎亦難辭請將王成照不行詳查罰俸六個月例加倍罰錢糧一年以示懲儆爲此謹奏請旨乾隆四十年八月二十三日奉旨依議欽此

經筵講官議政大臣刑部尚書兼辦戶部侍郎事務管理三庫事務  
正黃旗滿洲都統總管內務府大臣革職留任又從寬免其革任 英 廉

鑲 白 旗 漢 軍 都 統 留 任 管 四 格

經筵講官正藍旗漢軍都統兼吏部左侍郎兼署禮部侍郎兼辦總管  
內務府大臣事務仍監管上駟院欽天監事務公中佐領降十級留任 邁拉遜

戶部右侍郎總管內務府大臣兼管御書處武英殿  
事務管理南苑一切事務署理正紅旗蒙古副都統 金 簡

內務府摺二

總管內務府謹奏為審明治罪事據景運門值班大臣移咨署理護軍統領侍  
郎高樸奏稱本月初四日下午據司鑰永善等拿獲偷竊六班大臣下處什物  
之竊犯大小兒一名請交內務府大臣審辦外其看守西華門之章京三福富  
誠阿請交部查議護軍校護軍等請交該處重責示懲等因於乾隆四十一年  
四月初五日發報具奏奉旨知道了著交該部欽此欽遵將竊犯大小兒解送  
到臣衙門隨將大小兒嚴加審訊緣大小兒原係正黃旗滿洲魁明佐領下已  
故親軍凌志家人向隨凌志進內當差禁城內路徑素所熟識本年四月初四  
日該犯行至西華門起意進內偷竊即進西華門被看門護軍盤問該犯答係

跟役卽行混入行至三所前邊六班大臣該班下處見房門鎖閉無人看守遂將門鎖擰開進內偷得小銅鏡一個小錫盒一個銅帽架一箇小藍紬袷一件藏在身邊又偷得小紬褥一箇布挖單一塊拿出房門聽見外邊有人行走恐被人看見隨手卽將紬褥挖單拋擲西墻之外甫出院門遇見看房人高四回來見其面生可疑恐是竊賊急忙進屋查看見門鎖擰落知是被竊旋卽追獲揪扭正在吵嚷之間有巡查之護軍將該犯拿獲所竊什物俱被搜出訊據看房人高四供稱是日係尙書素爾訥該班所有舖蓋什物鎖貯房內令伊看守因出門喚人挑水遂致被竊當經傳訊親軍凌志族兄合家保供稱大小兒實係凌志家人各等語臣等以該犯既敢進內行竊恐尙有別項偷竊情事及另有同夥之人嚴加掌嘴板責再四究詰該犯堅供實因路過西華門偶然起意混入反覆嚴鞫矢口不移似無遁飾查大小兒以旗人奴僕輒敢擅入禁城已屬不法又復白晝扭落門鎖偷竊什物膽玩已極若僅照竊盜計贓擬以杖責無足示懲應將大小兒刺字發往黑龍江賞給索倫爲奴該犯之主凌志業

已物故並無子嗣其失查家奴之咎應免置議西華門是日值班失查之章京護軍校護軍等業經該護軍統領奏請交部查議責懲應聽兵部查取職名照例查辦爲此謹奏請旨乾隆四十一年四月十四日奉旨依議欽此

管理總管內務府事務多羅質郡王臣永瑔

經筵講官議政大臣暫協辦大學士事務刑部尚書署理戶部尚書事務管理英廉

三庫事務正黃旗滿洲都統總管內務府大臣革職留任又從寬免其革任

鑲白旗漢軍都統總管內務府大臣革職留任四格

經筵講官署理工部尚書正白旗蒙古都統兼正藍旗漢軍都統仍兼吏部左侍郎邁拉遜

兼辦總管內務府大臣事務仍兼管上駟院欽天監事務公中佐領降十級留任

戶部右侍郎總管內務府大臣鑲黃旗滿洲副都統署理正黃金簡

旗蒙古副都統兼管御書處武英殿事務管理南苑一切事務

...

...

...

...

...

...

...

...

...

...

...

...

...

...

...

...

...

...

安南攻勦沙匪案

碩色摺  
愛必達摺

雲貴總督臣碩色謹奏爲交兵攻勦沙匪情形再行會摺奏聞事竊照安南雲南巡撫臣愛必達國遣發兵象並差調所屬之都竜土目黃文棋等合勦沙匪矣揚一事前據開化鎮府稟報臣等因開化沿邊一帶處處與交趾接壤當卽飛飭所委遊擊鍾良輔酌帶弁兵前往馬白一帶遊巡彈壓督率各汛兵練加謹堵禦一面於本年二月二十一日會摺奏聞在案嗣據開化鎮總兵官張凌霞開化府知府彰古禮稟報探查矣揚所踞之猛康一城已被交兵攻破矣揚在安北聞風逃避交兵現欲攻打安北等情今又據該鎮府稟報據差探之兵役孫必朝等回稱查有都竜頭人朱寬自安北回來催糧向其詢問據稱都竜土目黃文棋並三岐各處交兵俱於二月內齊到安北未曾打仗有三岐叶謀官將矣揚誘出投降於三月初二日解往該國王駐劄之宜京地方去了止有洪水西邊的沙匪同南棍搖人尙未平定各處土目交兵俱屯劄安北城外等候該國王示下或



併力進剿或止須招撫等語據情稟報並聲明沿邊民夷現在乘雨播插耕鑿相安各緣由前來臣等查安南自內訌以來乾隆四年有夷匪矣長翁丁等圍奪都竜乾隆八年又有矣揚等攻搶都竜疊經調撥臨元開化廣羅等處官兵前往協防致多糜費帑銀四萬兩糧米一萬餘石嗣矣揚已據安北等處夷境雖凜畏天威不敢絲毫侵犯而內地沿邊一帶仍須督率兵練嚴加防範今據稟矣揚已經就獲惟餘黨沙匪搖人現在尙聚於該國之洪水西邊查洪水以西之乾塘南甸一帶與開化所屬之新現壩灑二汎相近又漫棍慶安與臨元鎮所屬之十三猛地方聯界或該國乘勝勦除沙匪搖人仍難免有奔逃竄越之事除飭令開化臨元各鎮府一體嚴督兵練加謹巡防勿致夷匪竄入務期邊氓安堵以仰慰我皇上睿顧邊方至意一面復飭再加確探近日交兵或攻或撫並令轉諭土目黃文棋將實在情形備細查稟另報外恐塵聖懷臣等謹再會摺奏聞伏祈皇上睿鑒謹奏乾隆十八年三月十六日硃批知道了

碩色摺



雲貴總督臣碩色謹奏爲奏聞事竊照開化沿邊一帶毗連交趾前因該國攻勦沙匪矣揚臣恐沿邊夷民出交滋事節經飭令該鎮府嚴督兵練加謹巡防毋許內地一人越出並將交兵攻勦沙匪情形會同撫臣愛必達先後奏聞在案嗣於本年四月初八日據開化鎮總兵張凌霞開化府知府彰古禮稟稱沿邊卡隘俱添撥兵練梭織巡防並無出交之人惟據江都汎外委把總王明稟稱聞得附近夷民有傳布印帖之事現存查訪等語當卽會同分頭查緝去後嗣據該弁等查出得過印帖自首之夷民張老二路哈咱魯李世貴等並各白布印帖到案驗其布帖有三寸多長上有墨印玉帝兵三字訊據張老二等係兩個猓獠來寨內散給因他說受了此帖人口不病牛馬不瘟故此收下等語隨於四月初一日拿獲散布印帖之猓獠皮咱阿色二人訊據供係楊柳河夷人李士明楊天才說得帖散帖的人家人口牲畜都不有病每張只要錢一二十文故代爲散給等語並聞馬街汎屬梅子箐內有夷人聚集現在選差兵練往拿等情前來臣查所訊皮咱等供情雖止稱得錢散帖但布帖內既有玉

帝兵三字且梅子箐又聚集有人恐有潛謀不軌別情當卽飛飭該鎮府星速親往梅子箐等處查拿務將李士明等弋獲一得首犯卽行解省親審一面復差標員署都司陳亮前往協同查緝去後續據開化鎮府稟稱散布印帖之首犯李士明楊天才並同夥之李官保王玉明俱拿獲到案并搜出木印模二顆布印帖一張僞牌二張訊據李士明楊天才供因聽得人傳說交趾地方有漫棍搖人自稱盤王傳帖招人帮他攻打交趾的人都得官做小的李士明想多招些人領去投搖王圖個富貴邀約楊天才帮寫僞牌自刻木印木戳印成布帖交與王玉明李官保皮咱阿色們於各夷寨散帖招人只說得印帖的人口牲畜平安若肯隨同出交的更得富貴各處夷人有聽信的小的領在梅子箐內藏着共有八十四人原欲卽同出交因沿邊官兵巡查嚴密不能出去不料就被拿住了復詰其夥黨據供尙有楊起秀普世美馬成龍楊文龍李占魁五犯等語具稟到臣臣查李士明等所供漫棍搖人自稱盤王者卽係交趾現在攻勦之南棍搖人縱有招人情事而內外疆界攸分其說豈能傳至內地供情

閃爍支離其中顯有謀逆狡飾情事臣正擬親往督辦今據差往查緝之標員陳亮稟稱此案首犯李士明楊天才先已拿獲續又拿獲得過偽劄人犯數十名起獲鎗有二四十桿腰刀亦有三四十口總兵張凌霞在楊柳井梅子箐一帶拿獲人犯共有八九十名現在文武會審俟二三日內取有確供卽將各犯解赴省城等情前來臣查逆賊李士明等膽敢藉稱外域招人布散印帖偽劄謀爲不軌大干法紀今首從多人既經拿獲自應速爲審明實情立正典刑以除逆賊而靖邊疆且開化沿邊悉係夷獮環處亦不便將所獲逆夷一刻羈留除飛飭將首從各犯並一切印模偽劄鎗刀等件作速解至省城一俟解到臣卽當親審明確應正法者卽一面先行正法一面將餘犯逐一分別按擬具奏其未獲餘犯現在嚴拿務期一犯不致漏網外所有拿獲不軌首逆李士明等現在提審緣由臣謹先行恭摺奏聞伏乞皇上睿鑒謹奏乾隆十八年四月二十日硃批知道了

碩色摺二

雲貴總督臣碩色謹奏爲奏聞事竊照乾隆十五年六月內安南國所屬之都  
童土目黃文棋因翁丁糾集沙匪攻打都童該土目差兵頭阮世魁督兵追逐  
誤戕開化府屬文山縣土練矣念一案前經臣將阮世魁擬絞具題於乾隆十  
六年閏五月二十日接准部覆欽奉諭旨都童夷兵阮世魁戕殺內地土練自  
應按律擬抵但詳閱案情阮世魁追逐沙匪并未敢入邊界實由矣念過河拾  
柴與沙匪服色相同以致誤殺情尙可原且安南素稱恭順土目黃文棋擒獻  
兇犯審明定擬亦能恪守功令阮世魁著從寬免死交該土目自行處治欽此  
欽遵移咨到臣臣隨行司轉飭開化文武遵照將阮世魁發交土目黃文棋自  
行處治一面咨會安南國王知照去後隨據土目黃文棋將阮世魁領回照依  
土例杖責銅鎚四十革去百戶由開化府申報咨部在案今於乾隆十八年五  
月二十二日准安南國王黎維禕咨開都童兵頭阮世魁將內地四練矣念誤  
殺欽奉恩旨從寬免死咨到日卽轉飭黃文棋將阮世魁從公嚴究并申飭土目恪守邊圍毋再違  
犯干咎惟是皇仁浩蕩無階上答謹具謝恩表文并儀物錄今貢期另附上進除已具咨兩廣總督代  
爲題達外合行佈覆等情前來所有該國王感戴天恩另具謝表由粵省附貢上進  
緣由臣謹據情恭摺奏聞伏祈皇上睿鑒謹奏乾隆十八年五月二十九日硃批覽

安南脫回廠徒案

按此案已見本刊第二十一二十二兩期茲復查出兩摺於本期續登讀者可以參閱

編者識

陳輝祖  
福摺

暫署湖廣總督印務湖北巡撫臣陳輝祖  
護湖南巡撫印務布政使臣敦福

跪奏爲解役賄縱遣犯審辦參奏事竊照粵

省廠犯解發新疆先經擬以湖南坐船解至北省交界之泗水口接替嗣因曠野不便更差臣等復商由澧州順流直送北省江陵縣沙市卸詎第二起船內十月十一日夜失犯巫朝龍一名據解員石門縣典史郭廷式又稟巫朝龍係十二夜在沙水墮水等情臣陳輝祖以正在多犯過境不可少弛緝辦且本案情節閃爍卽委湖北臬司秦雄飛馳赴勘查審緝究出係十一日夜在虎渡口逃走臣敦福接報飛飭岳常澧道彭理堵拿臣陳輝祖飭將原解員弁兵役先行提至武昌率同北省司道等親加研鞫緣廠犯巫朝龍由粵解楚該起共犯七十九名本年十月初七日由湖南澧州派委石門縣典史郭廷式九谿營外

委朱廷揚又差頭役傅釗楊義鄢浩督率兵役分船押赴湖北江陵縣沙市交替內巫朝龍係州役楊高同九谿營兵黃德祖專管十一日更舟泊江陵虎渡口巫朝龍起意逃走因鎖鑰係楊高經管乘隙許銀求放卽於中艙伺舟人睡熟給楊高銀五兩開脫鎖鑰縱逃該兵黃德祖睡宿艙外當夜未覺次早查知犯失聲喊楊高卽捏稱巫朝龍因腹瀉夜起失足落水掩飾該役旋卽潛回是日因江濶阻風十三日早各船齊抵沙市該委員郭廷式等未經察實扶混具稟荊州府汪容等查有捏飾飛報追緝臣等飭委司道勘拿詎楊高於二十二日回至澧州先往見頭役曹琢詰得賄縱情由曹琢遂代收賄銀硃批此人可惡囑令供認踈脫輕罪該州唐燦訊後卽差曹琢同盛英押解曹琢在路私囑楊高倘審出賄銀只供押在澧州唐遠與錢舖伊可趕回措銀懇唐遠與交出楊高遂照依混供經臣陳輝祖密委武陵縣蔣耀宗往查唐遠與押錢賑簿並無此銀復向楊高究出實情拏到曹琢質審供認不諱並曹琢供吐將賄銀換錢及給楊高等食用製衣等項當傳到江夏縣陳雨川錢舖查出兌錢收銀賬

簿供情脗合嚴詰同解兵丁黃德祖及督解員弁兵役或在另舟或同舟別宿實無通同賄縱情事跟訊巫朝龍逃踪據楊高供吐因念母妻求放諒必回籍臣等已飛咨經由之江西兩粵本籍嚴拏並懸賞購緝務獲嚴辦外伏查廠犯解往新疆欽奉諭旨若有在途逃遁獲日正法欽遵在案解役受財賄縱律應與囚同罪楊高胆敢得財縱脫重犯實屬藐玩臣陳輝祖隨於審明之日恭請王命委員將楊高押赴市曹卽行正法硃批是以昭炯戒兵丁黃德祖雖不知楊高賄縱並不小心防範以致同伴縱囚又扶稱巫朝龍落水應照押解新疆人犯踈縱爲首情重例改發伊犁等處給兵爲奴曹琢雖非同縱罪囚乃於事後查知教令捏供踈脫將賄銀代收花費殊屬狡玩並請發往伊犁爲奴硃批是均刺字革伍革役傳釗楊義鄢浩雖非解役係奉差總押並不稽防俱應照黃德祖遣罪減一等杖一百徒三年革役賄銀照追入官典史郭廷式外委朱廷揚奉委押犯雖不知差役賄縱但踈於防範致脫重犯並將先夜虎渡口失犯捏報更聽兵役扶稱落水殊屬玩愒除咨部斥革外俱應照押解新疆人犯



踈脫爲從例各杖一百流三千里澧州直隸州知州唐燦遞解重犯僉差不慎及楊高潛回又不嚴究賄縱情由一任狡飾殊屬庸憤應請旨革職仍留地方協緝除武職僉差失察各職名現在另取查參外臣等與署湖南臬司事驛鹽道梁敦書岳常澧道彭理未能先事周防並請旨交部議處理合另繕供單會摺具奏伏乞皇上睿鑒施行臣等謹奏乾隆四十年十一月十二日硃批該部知道

陳輝祖摺

暫署湖廣總督印務湖北巡撫臣陳輝祖跪奏爲解役賄縱遣犯拏獲審辦參奏事竊照安南逃回粵西廠徒內形跡獷悍者發往新疆欽奉諭旨若有在途逃遁獲日正法欽遵在案前經臣奏明過楚用船裝解每犯僉一兵一役專押派員督解酌定站所交替詎有弟九起廠犯楊德萬由京山縣解至鍾祥地方十月二十六夜在船脫逃臣接據京山縣舒展等稟報隨飛飭嚴拏並將管解員弁兵役提省究審旋據原解外委陳超羣在荊門州地方獲犯飭解至省臣

率同在省司道等親加研鞫緣廠犯楊德萬由粵解楚該起共犯七十八名自江陵縣換船派委石首縣縣丞盧濟川南漳縣巡檢嚴聘三荊州營外委陳超羣督率兵役分船押解內楊德萬係荊州營兵王大陸押送鍾祥其差役係沿途更換至京山縣經該縣舒展撥役陳發隨解詎陳發托病私雇王朋舉頂替因檢查楊德萬行李見攜有布包銀十兩途次楊德萬許銀五兩賄放未允十月二十六日至鍾祥縣半頭堤避風暫泊楊德萬又以存銀只留少許儘數盡送求釋夜間兩人臥近艙門楊德萬悄取銀七錢零餘銀連包遞送王朋舉隨將鎖匙交給私開鑰鎖時舟人睡靜營兵王大陸宿在桅艙楊德萬上坡逃走同艙犯人楊鳳官旋因門開風進呼問船衆驚醒營兵王大陸隨起然燈照視卽押住王朋舉喊稟解員盧濟川等趨往查訊次日解府王朋舉將銀包私遞與另役陳方代收陳方倉卒回家告知同役羅山疑係賄銀料王朋舉不敢索取卽同羅山赴楊萬益店換錢分用楊德萬逃後晝伏夜行二十九日至荊門州曾家大橋投宿飯店外委陳超羣踣至拏獲解訊各供不諱提質店戶楊萬

益兌銀換錢數目日期俱屬確鑿經臣嚴加究詰實係王朋舉一人聽囑受賄縱放營兵王大陸並無串同情弊同船兵役均無知情之人衆供僉同似無遁情查楊德萬素不安分發往新疆安插尙不知悛改膽敢賄役縱逃實屬不法解役王朋舉違例得錢頂替復敢藐法受財縱犯律應與囚同罪查本省從前有解役賄縱重犯之案俱經奉旨審實一并辦理均不便稍稽顯戮臣隨於審明之日恭請王命委員將楊德萬王朋舉一併押赴市曹卽行正法以昭炯戒殊批是解役陳發私雇頂替以致縱犯潛逃應照押解新疆人犯踈縱爲首情重例改發伊犁等處給兵爲奴營兵王大陸於王朋舉得賄縱放並不知情且立時押帶解役稟官但管押重犯並不小心防範以致同伴縱逃應照爲首情重例減一等杖一百徒三年陳方代王朋舉收藏賄銀不報輒與羅山分用應比照證佐不言實情減罪人罪二等律杖一百徒三年羅山雖無串同情弊擅行分用錢文飭縣重杖均革糧革役賄銀雇錢均追入官管解外委陳超羣已自行獲犯應免查議縣丞盧濟川巡檢嚴聘三不小心防範臣已咨部斥革外至京山縣舒展於遞解重犯先任陳發違例雇替後王朋舉得銀縱犯並縣役陳方等私將贓銀分用毫無覺察實屬昏庸相應請旨革職示儆除全案供招暨應議府道各職名咨部察核查議外臣謹繕錄緊要犯供清單恭摺具奏伏乞皇上睿鑒施行謹奏乾隆四十年十一月十二日硃批該部知道

清嘉慶朝修建各處殿宇案

永琅等摺

臣永琅布彥達賚縑布等謹奏爲奏聞估需工料銀兩事前經具奏遵旨壽安宮戲臺宜於拆去又擬將春禧殿後扮戲樓分位改蓋後捲殿五間燙樣呈覽奉旨知道了奉硃批壽安宮派永琅布彥達賚縑布修理欽此欽遵在案臣等公同派員前往詳細踏勘按例核估得壽安宮春禧殿後扮戲樓分位改蓋後捲殿一座計五間內明間面闊一丈七尺次間各面闊一丈四尺東西進間各面闊一丈二尺三寸進深一丈八尺前後廊各深四尺簷柱高一丈五尺五寸徑一尺五寸八檁捲棚安單翹單昂斗科成造裝修前金五抹榻扇一槽支摘窗四槽橫披五槽簾架一座前簷橫楣欄杆五堂安砌青白石柱頂埋頭塔條等石臺基明高二尺八寸礫墩攔土灰砌舊樣城磚露明臺幫並山牆下肩墀頭檻牆細新樣城磚上身並背餡糙城磚裏皮抹飾白灰廊牆抹飾黃灰外皮墀頭抹飾紅灰頭停苦灰背三層宜六樣黃色琉璃脊瓦料後簷天溝一道內

裏地面鋪墁細尺七方磚並拆卸三重簷戲臺一座扮戲樓五間院內拆去舊有破碎海墁改墁十字甬路找墁週圍散水地面鋪墊黃土添安石踏蹠二座等項以及後捲殿油畫裱糊成搭棚座圈廠擡運物料等項除行取各項物料並本工舊料抵用外共估需工料銀三千五百七十兩四錢五厘等因呈覆理合奏明所需工料銀兩請向廣儲司銀庫支領派員敬謹妥固修理統俟工竣之日臣等再行揀派妥員將所做活計詳查核銷至拆卸扮戲樓五間木植磚瓦等項改蓋後捲殿應用其拆下三重簷戲臺物料請交同樂園工程處自行取用爲此謹具奏聞嘉慶四年七月初九日具奏奉旨知道了欽此

奉旨照數下奉新辦善堂派承承亦查彰  
官場嘉官外利去又疏陳春顯顯發借地好分  
直承承亦查彰資歸亦等點奏爲奏聞計需工料  
齊嘉慶四年七月九日具奏奉旨知道了欽此

黎奇珍潛赴安南滋事案

按本刊第二十五期載有兩廣總督李侍堯奏審擬續獲高明縣民黎奇珍娶逃婦林亞妹爲妻商同陳嘉拔等謀殺謝幹儒一案案犯摺與此同屬一案讀者可以參閱

編者識

李侍堯摺

大學士仍管兩廣總督昭信伯臣李侍堯跪奏爲參奏事竊照廣東高明縣民黎奇珍前在安南謀殺謝幹儒身死及李朝碧等先後出交一案經撫臣德保於兼署督篆任內審擬具奏聲明失察出口職名查取另參在案茲就各犯出口日月查核應參各員除前任廣西左江道張日譽太平府梁萬稷沈希賢明江同知景宣新太協副將岳亮燾營外委劉得華均經病故毋庸置議外所有失察文職統轄係前任降調左江道李天培參革道秦廷基前護道鎮安府革職知府屠士相兼轄係前任太平府告養知府查禮丁憂知府查克亶前護府事全州革職知州胡位鑄專管係陞任明江同知鄒錫彤嵇璇前護同知事

崇善縣知縣今陞大理寺左評事王偉士憑祥土知州李樟武職統轄係前任  
新太協副將續陞廣東碣石鎮休致總兵歐陽敏護副將事南寧城守營降調  
游擊王琮思營參革游擊張琳左江鎮標中軍游擊佛寧額兼轄係前任龍  
憑營都司續陞直隸順德營游擊張丕承前署都司續陞福建漳州鎮標游擊  
張現龍候補守備續陞山西神池營都司張雲前任馱燾營都司現任廣西提  
標左營游擊陳永寧現任龍憑營都司永明現任馱燾營都司張鵬飛專管係  
前任龍憑營俸滿千總陸明福參革千總馬志遠前任馱燾營病休把總黃寧  
斥革把總謝鳴鳳現任把總羅贊相應參奏請旨交部分別議處再本案開參  
遲延由於左江道秦廷基太平府知府程大治欲爲嵇璇開脫處分授意寧明  
州知州康坦嶽那改日期捏造房主甘露供情袒庇欺朦業經臣提究得實參  
奏發審合并陳明伏乞皇上聖鑒勅部核議施行謹奏乾隆四十年十月初十  
日硃批該部議奏

熊學鵬摺



廣西巡撫臣熊學鵬跪奏爲遵旨審擬具奏事乾隆四十年閏十月十八日准刑部咨稱乾隆四十年十月二十日奉上諭據李侍堯奏粵省審辦內地民人黎奇珍潛赴安南滋事一案查取失察出口職名按其月日應將前署明江同知嵇璇開參而左江道秦廷基忽赴東謁見先爲窺探游說希欲通融酌辦旋據太平府知府程大治寧明州知州康坦嶽捏造情節倒提月日開送前任同知鄒錫彤職名及至指駁行提復令州役甘華頂冒寫捏口供沿途教導種種舞弊請將秦廷基程大治康坦嶽革職嵇璇解任審訊等語失察偷越處分自應按計出口日期不可絲毫假借乃秦廷基等以道府大員敢於意存袒護捏造案情教供頂冒並於進見總督時面爲稟請實出情理之外著照所請秦廷基程大治康坦嶽俱著革職嵇璇著解任交與熊學鵬提及案內有名人證一併秉公嚴審定擬具奏官官相護惡習外省原所不免若遇模稜姑息之督撫未必不以顛預了事李侍堯一經該道面稟卽能洞燭其奸徹底根究使情僞畢露據實參劾實屬公正可嘉李侍堯著交部議叙嵇璇乃嵇璜之弟秦廷基

畏朝中尙書胆敢作弊猶非尋常狗庇可比著審明加倍治罪摺並發欽此欽遵咨移到臣當經飭提官犯人等來省審辦經廣東委員南海縣三江司巡檢萬世仰押解秦廷基回粵西並據署潯州府同知事桂林府通判孝順阿將程大治康坦嶽嵇璇並案內應訊人等一併押解來省臣隨督同布政使蘇爾德按察使廣德親加審訊緣失察黎珍奇偷越出口係乾隆二十六年三月之事因文內並未叙明日期秦廷基以是年三月該管明江同知有兩任十三日以前應參鄒錫彤十三日以後應參嵇璇秦廷基袒護嵇璇因憶及黎奇珍已經正法無從審究其同案戴揚忠一犯現經東省審明係乾隆三十二年十月初間從由隘出口乃鄒錫彤任內之事已干降調遂前往廣東稟求督臣欲將嵇璇失查月日亦那於鄒錫彤一併開參隨於進見督臣時稟求通融酌辦經督臣面加呵斥秦廷基稟辭回任見太平府程大治議及黎奇珍一案程大治以並無出口日期難於開送秦廷基復不令其據實辦理諭令黎奇珍既未供明日期如可開參鄒錫彤職名鄒錫彤於失察戴揚忠一案已干降調即將鄒錫

彤職名開參嵇璇甫陞知府不可使罹參處等語程大治查黎奇珍曾在寧明州舊墟居住飭委寧明州知州康坦嶽根究嗣據康坦嶽赴府將房主甘添恩並債主黃光元僉供記憶日期不清所供游移等語稟覆程大治將秦廷基之言傳述康坦嶽遂捏造甘露供詞卽以黎奇珍約於初七日出口具文詳覆經督臣行委廣東臬司提訊黎奇珍同案之譚老八供出黎奇珍實係二月二十日出口並稱進關時曾在龍州供明有案行提甘露質審康坦嶽以甘露幼稚恐致敗露因將差役甘華頂替甘露解東給盤費錢一千八百文差役黃玉管解並令家人劉陞一同遞解康坦嶽又慮甘華說話不清令刑房書辦謝儒章寫給口供二紙前往廣東審訊經廣東委員究出甘露名叫甘寧露年僅十二歲係甘華頂替前往沿途教供並曾在龍州通判衙門黎奇珍三月二十日出口供明有案各情由具詳督臣李侍堯參奏奉旨革職交臣審擬臣鞫訊之下秦廷基袒護嵇璇面求督臣通融酌辦自東省回西授意屬員那前改後畏懼尙書嵇璜等情已自認不諱程大治康坦嶽迎合上司狗庇同官教供頂冒俱

已認無辨辭此外別無行賄夤緣等弊再三嚴鞫委無遁情查例載官員有心狗庇降三級調用又例載因事囑託著革職等語外省官官相護實爲吏治之害乃至於捏造案情教供頂冒並敢於上司前窺探游說通融酌辦以市已恩尤爲可惡秦廷基以監司大員罔知正己率屬乃心存袒護胆敢前往廣東面向督臣稟探及回西省又不據實飭辦授意屬員那改日期以致程大治轉傳康坦嶽將案內之甘露不爲聲明幼穉暗行藏匿將案內之甘華頂冒甘露解東沿途教供市恩舞弊雖嚴訊無與尙書嵇璜往來結納情弊然據供因嵇璜是嵇璜胞弟心裡有些瞻徇也是真的其爲畏懼尙書已屬顯然誠如聖諭非尋常狗庇可比應行加倍治罪請將秦廷基從重照諸衙門官吏與內官及近侍人員互相交結夤緣作弊例擬斬監候秋後處決係旗員解部照例辦理程大治以知府大員狗庇同官將後任之事移之前任授意知州康坦嶽曲爲開脫康坦嶽迎合該管道府遂因而舞弊於督臣提解之犯並不據實解送頂冒教供雖端由秦廷基主使然核其二員情罪俱重均未便以尋常狗庇因事屬

託辦理應請旨將程大治康坦嶽俱發往烏魯木齊當差効力至嵇璇審無賁緣囑託情弊其署理明江同知於邊口要務並不實心查防失察黎奇珍出口應聽吏部照例議處再查龍州通判吳蘭孫係委令啟關接收人犯雖無訊供之責但黎奇珍既有三月二十日出口之供並未詳稟其應申不申之咎究屬難辭應請一併交部察議寧明州書辦謝儒章聽從本官繕寫供單囑令甘華切勿供出教供頂冒之言朋比爲奸並不稟阻差役甘華冒名頂替赴東代審雖事由本官使令該犯毫無畏懼挺身頂冒圖得錢文均屬不法謝儒章甘華均應照本官康坦嶽罪量減一等各杖一百徒三年至配所折責四十板仍於甘華名下追出所得錢一千八百文入官解役黃玉沿途教供應照不應重律杖八十加枷號一箇月房主甘添恩前雖因患病不能赴州聽審但一任將甘華頂冒伊子前往廣東應照不應重律杖八十折責三十板甘露年僅十二幼穉無知免其置議康坦嶽家人劉陞已在東省監內自縊其監斃職名業經督臣李侍堯咨部議處應毋庸議臣謹將各犯供詞繕寫清單進呈伏乞皇上睿

鑒勅交三法司核覆施行謹奏乾隆四十年十一月二十一日硃批交三法司

核擬具奏其

華江買用千餘

外入千餘

甘華各不

既照本官

擬事由本

臣於

謹請

乞責

懇懇

辭謝

請

清道光朝關稅案

和世泰摺

福州將軍兼管閩海關事務奴才和世泰跪奏爲閩海關一年期滿徵收稅課銀兩循例奏聞仰祈聖鑒事竊照閩海關每年額徵正稅銀七萬二千五百四十九兩五錢四分七厘盈餘銀一十一萬三千兩二共應徵銀一十八萬六千五百四十九兩五錢四分七厘茲閩海關自嘉慶二十五年十月十六日前任將軍奴才祥保題明接管起至道光元年三月十五日止計管關五個月徵收銀七萬六千八十二兩九錢一分一厘奴才和世泰自三月十六日到任接管起至十月十五日止計管關七個月徵收銀一十一萬六千六百五兩五錢四分五厘照例兩任接算合計一年期滿共徵收各項稅銀一十九萬二千六百八十八兩四錢五分六厘除正額照例撥交福建布政司撥充兵餉銀六萬六千五百四十九兩五錢四分七厘又解部銅斤水脚銀七千兩實收盈餘銀一十一萬九千一百三十八兩九錢九厘較欽定盈餘額數多收銀六千一百三



十八兩九錢九厘除俟各口所收稅銀解到齊全分別解部發司按款造冊另疏題報外所有閩海關一年期滿徵收正餘稅銀數目謹循例恭摺具奏伏乞皇上聖鑒謹奏道光元年十二月十五日奉硃批戶部知道欽此

成貴摺

戶部員外郎奴才覺羅成貴跪奏爲奏聞請旨事奴才荷蒙皇上天恩管理山海關稅務於嘉慶二十五年十月二十八日到任扣至道光元年十月二十七日一年任滿共徵收過正額盈餘並人參稅銀拾壹萬貳千玖百肆拾兩肆錢叁分陸釐內應徵正額銀陸萬壹千陸百肆拾貳兩叁錢柒分玖釐人參稅銀貳百肆拾肆兩叁錢伍分柒釐盈餘銀伍萬壹千伍拾叁兩柒錢較欽定盈餘銀肆萬玖千肆百捌拾柒兩零奴才多收銀壹千伍百陸拾陸兩柒錢其正額並人參稅銀陸萬壹千捌百捌拾陸兩柒錢叁分陸釐內除給發過山海關駐防官兵俸餉改支半折米銀半餉養贍紅白賞建坊等款並本關衙役工食銀共支銷過正額銀叁萬柒千陸百伍拾壹兩捌錢叁分柒釐實解戶部正額銀

貳萬肆千貳百叁拾肆兩捌錢玖分玖釐其盈餘銀伍萬壹千伍拾叁兩柒錢內除解交奉天府各官養廉並本關應解部科各項飯銀書吏心紅紙張等款共支銷過盈餘銀壹萬肆千肆百叁拾壹兩伍錢肆分肆厘實解盈餘銀叁萬陸千陸百貳拾貳兩壹錢伍分陸厘伏乞皇上聖鑒其盈餘銀兩應交何處恭候諭旨遵行所有照例支銷各項銀兩數目造具清冊呈送戶部查核再喜峯口委員經直隸總督方受疇派出盧龍縣典史朱効前往更替合併奏聞謹奏請旨道光元年十二月十六日

內務府摺

查山海關欽定盈餘銀四萬九千四百八十七兩零上屆監督存穎任內徵收盈餘銀五萬七百四十二兩零較欽定盈餘數目多收一千二百五十五兩零除動支各項外實解盈餘銀三萬五千六百七十五兩零奉旨交廣儲司三萬五千三百兩其餘銀三百七十五兩零著賞給存穎欽此此次成貴任內徵收盈餘銀五萬一千五十三兩零較欽定盈餘多收銀一千五百六十六兩零較

存額任內多收銀三百一十一兩零除動支各項外實解盈餘銀三萬六千六百二十二兩零應交廣儲司若干賞給成貴若干之處伏候欽定謹奏道光元年十二月十六日奉旨知道了這所得盈餘銀兩著交廣儲司三萬六千二百兩其餘銀四百二十二兩零著賞給成貴欽此

孫爾準摺

安徽巡撫臣孫爾準跪奏爲應賠短徵關稅按年扣繳稟請代奏事據安徽道多容安稟稱前在湖北荆宜施道任內奉委兼管荆關稅務短徵提前庚辰辛巳二年分盈餘銀一萬二千七百二十兩二錢五分四厘曾經詳明湖廣總督奏奉諭旨分限著賠旋即丁憂回旗後在京當差無力完繳曾經呈請照例將應賠前項銀兩分別起限陸續完繳等緣由呈奉部准將應賠提前荆關庚辰年短繳盈餘銀兩統限五年內清完後再將應賠提前荆關辛巳年短繳盈餘銀兩照例依限接續完繳並知照本旂都統理藩院暨湖廣總督各在案茲荷蒙聖恩補授今職所有前在荆關短徵應賠銀兩急應作速完繳以歸帑項奈

爲數較多一時未能籌措再四思維仰乞代爲奏懇皇上天恩俯將歲支巡道養廉銀二千兩按年全行扣繳以完賠項仍有歲支管關養廉銀一千二百兩請准支領以資辦公稟請代奏等情前來理合恭摺代奏可否仰邀恩准伏乞皇上訓示遵行謹奏道光元年十二月十八日奉硃批

欽此

### 阮元摺

兩廣總督署粵海關監督臣阮元跪奏爲恭報關稅一年期滿征收總數仰祈聖鑒事竊照粵海關征收正雜銀兩向例一年期滿先將總數奏明俟查核支銷確數另行恭疏具題並封款造冊委員解部歷年遵照辦理嘉慶四年五月准戶部劄行奉上諭向來各關征稅於正額之外將盈餘一項比較上三屆征收最多年分如有不敷卽著經征之員賠補以致司權各員藉端苛斂而賠繳之項仍未能如數完交徒屬有名無實因思各關情形不同所有盈餘數目自應酌中定制以歸核實而示體恤已於戶部所奏各關盈餘銀數清單內經朕查照往年加多之數分別核減自此次定額之後倘各關每年盈餘於所定之

數再有短少卽行著落賠補如於定數或有多餘亦卽儘收儘解其三年比較之例著永行停止欽此並奉欽定粵海關盈餘銀八十五萬五千五百兩欽遵在案茲查遞年連閩贛前應征癸未年分十二箇月關稅前監督阿爾邦阿任內自嘉慶二十五年十月二十六日起至道光元年九月二十一日止計十個月零二十六日大關各口共征銀一百二十一萬六千三百六十三兩八錢四分二厘監督達三接管任內自九月二十二日起至十月十五日止計二十四日大關各口共征銀二十萬三百六十八兩一錢八厘臣兼署任內自十月十六日起至二十五日止計十日大關各口共征銀八萬二百九十九兩五錢四分二厘計三任一年期滿大關各口通共征銀一百四十九萬七千二十二兩四錢九分二厘除如額征足欽定盈餘八十五萬五千五百兩外計多收銀六十四萬一千五百二十二兩四錢九分二厘除將到關船隻及貨物粗細分別造具清冊送部核對外所有關稅一年十二箇月期滿征收總數理合恭摺具奏伏乞皇上聖鑒謹奏道光元年十二月二十日奉硃批戶部知道欽此

許乃濟摺

掌山東道監察御史臣許乃濟跪奏爲請旨嚴禁稅局需索侵蝕情弊以安行旅事竊查戶部征稅科則開載一切應稅貨物並無征及行旅囊篋之條蓋關市之所以有譏有徵者通商以裕課非歛賄以病民本不應苛及行旅也臣風聞崇文門稅局於尋常行李往來不論有無貨物每衣箱一隻勒索銀二兩四兩有多至八兩者以致行旅莫不怨咨查戶部則例內開各關征稅科則責令該管官詳刊木榜豎立關口街市並令地方官將稅則刊刷小本頒發遵照倘該管官不將木榜設立或書寫小字懸於僻處希圖高下其手者查參治罪又開崇文門商人漏稅視其價值輕重酌加四五倍議罰遇有積憤屢犯者加至二十倍爲止各等語今稅局雖有木榜並不豎立街市稅則刊本亦久不頒行行旅之人不皆商賈偶然攜帶常用物件不知科則應稅無從開報一被巡役檢出輒以二十倍議罰卽有照例開報之人該稅局以輸課無多轉不樂其納稅百計刁難必每箱勒賄若干而後已否則押赴官店守候不准放行旅客跋

涉遠來倦而思息不敢不吞聲隱忍唯所欲求京師萬方輻輳之區逐日婪索何可數計在監督等皆受恩深重之大員非不知從嚴約束無如崇文門有歷年盤踞之長隨書役每藉口辦公認真謂以行旅之有餘補商稅之不足利之所在雖監督子弟爲委員者亦從而附和之該監督遂多受其欺知而不聞其實此項陋規皆飽委員長隨書役之私囊不但無關於國課亦並無裨於監督也恭讀嘉慶五年仁宗睿皇帝諭旨現在蘆溝橋彰儀門稅局人役訛索過往行人銀錢業經分別懲治嗣後京外各關稅局除隨時密訪外或別經告發或被人指參如再有訛索飯錢擾累商旅等事不獨將所派巡役家人從重治罪並將各關監督一體嚴辦示懲等因欽此天語惶惶無微不至其實各關人役頗似斂戢今日久玩生計箱勒賄之端更甚於需索飯食不可不嚴杜其弊應請勅下該監督遵照定例將科則木榜設立關口街市萬目共睹之區其崇文門分口巡查之蘆溝橋東壩板橋海淀等處均請一律添設木榜並令順天府衙門刊刷科則小本散給蘆溝橋等處附近各歇店收執每年頒發一次俾行



旅一到了然將應徵貨物自行赴局報稅倘該管官不將木榜設立街市地方官不將科則刊刷頒發責成步軍統領巡城御史照例查參其並無貨物之衣箱每隻索銀若干兩陋規請旨勒碑於崇文門通衢永遠禁革孟子言發政施仁商賈與行旅同爲王化所必及况輦轂之下豈容關蠹明目張胆玩法營私臣仰體皇上勤求民隱之深仁用敢據實瀆陳伏乞聖鑒訓示謹奏道光二年二月初八日奉硃批所奏甚是卽有旨欽此

### 常輿摺

奴才常輿跪奏爲關稅一年期滿據實陳明仰祈聖鑒事竊照嘉慶四年四月內准戶部劄開欽奉上諭各關盈餘銀兩應酌中定制分別核減自此次定額後每年盈餘於新定之數再有短少卽著落賠補如有多餘儘收儘解其三年比較之例永行停止等因欽此並恭錄欽定九江關盈餘銀三十四萬七千八百兩行知在案又於嘉慶九年七月內准戶部劄開籌議關稅盈餘奏准奉旨九江關盈餘額數著定爲三十六萬七千兩欽此欽遵在案茲九江關稅自道

光元年正月初九日起前任九江府知府馬榮護任內經徵九日奴才於元年正月十八日到任接徵起截至二年正月初八日止一年期滿統計二任共徵正耗銀五十八萬四千五百六十五兩二錢一分八厘內除耗銀四萬五千六百五十七兩二分又除正額銀十七萬二千二百八十一兩三錢六厘實盈餘銀三十六萬六千六百二十六兩八錢九分二厘遵照嘉慶九年續奉欽定盈餘額數計少收盈餘銀三百七十三兩一錢八厘伏思奴才仰蒙皇上逾格鴻慈畀任道員兼管關務五中感戴浹髓淪肌自抵任後溯查歷屆關稅十數年來總未趕徵足額竟有虧短數萬兩之多奴才自飲庸愚尤深凜懼惟有實心實力設法稽徵嚴束書役家人不容稍滋弊竇以冀稅課豐旺稍効涓埃乃辦理無能仍未趕足辜恩忝職益切悚惶所有短少盈餘銀兩奴才不敢拘泥成例卽將所得巡道養廉照數賠補足額隨同正稅解部以清年款仍請將奴才交部議處以爲虧短稅課者戒除本年考核照例另疏題報外理合恭摺具奏伏乞皇上聖鑒謹奏道光二年二月二十一日奉硃批

欽此

常輿摺二

奴才常輿跪奏爲動支平餘銀兩數日事竊查九江關徵收三分平餘案經前任監督伊齡阿奏明動支辦公等項年滿造冊請旨交造辦處核銷餘存銀兩解交造辦處充公歷經遵辦在案今道光元年分共徵正耗銀五十八萬四千五百六十五兩二錢一分八厘計收平餘銀一萬七千五百三十六兩九錢六分四厘內除支用銀四千六百七十七兩一錢六分均照造辦處奏准減定成數核實開支仍剩存銀一萬二千八百五十九兩八錢四厘再查九江關監督每年額領養廉銀一萬一千兩例於耗銀項下動支節經前任監督報繳在案所有道光元年分應支養廉銀一萬一千兩奴才謹遵照成案同平餘剩存銀兩一併解繳造辦處充公合將辦公支用各款照例造具四柱黃冊恭呈御覽爲此恭摺具奏伏乞皇上聖鑒勅令造辦處核銷施行謹奏道光二年二月二十一日奉硃批該處知道欽此

常輿摺三

奴才常興跪奏爲關稅年款報解完竣仍有積餘照例奏繳事竊照關稅錢糧納戶數目多寡不齊在關征收由零聚整手輕手重勢難脗合致有積餘銀兩而由關報解彈兌亦有輕重不一卽將此項積餘銀兩添補以清年款案經前任監督伊齡阿奏明奉旨勅交軍機大臣議覆遵辦在案茲查嘉慶二十五年分前監督廣惠任內積餘銀一萬五千三百九十三兩五錢除照例添補各項並給承解員役盤費外實存積餘銀一千四百三兩七分二厘該年錢糧業經報解完竣所有用存銀兩理合照例解繳造辦處充公謹此具奏伏乞皇上聖鑒謹奏道光二年二月二十一日奉硃批該衙門知道欽此

七十四摺

奴才七十四跪奏爲關稅一年期滿恭報徵收稅銀數目仰祈聖鑒事竊照龍江西新關工戶正額盈餘稅銀每年共應徵銀十八萬六千九百八十三兩五錢五分內工稅定額銀十一萬二千六百七兩二錢二分五厘戶稅定額銀七萬四千三百七十六兩三錢二分五厘再工戶盈餘稅額向例通融比較如有

額外盈餘儘收儘解均經奉部行知在案今龍江西新關自道光元年二月二十八日起至二年二月二十七日止一年期滿收過工稅銀十四萬四百六十三兩一錢六分六厘收過戶稅銀五萬一千六百四十兩二錢一分三厘共收工戶稅銀十九萬二千一百三兩三錢七分九厘按照定額數目計多收銀五千一百一十九兩八錢二分九厘照例儘收儘解除將收支撥解銀數另疏具題造冊報部其動支公用銀數及應解併平銀兩報明內務府查核外所有關稅一年期滿徵收稅銀數目理合恭摺奏聞伏乞皇上聖鑒謹奏道光二年閏三月初七日奉硃批該衙門知道欽此

七十四摺二

奴才七十四跪奏爲照例支繳養廉銀兩恭摺奏聞事竊照織造養廉每年例于龍江新關盈餘稅銀項下動支銀一萬兩內實支銀五千兩節省銀五千兩奏解內務府充公歷經遵辦在案查織造養廉銀兩按照關期支領茲于道光元年二月二十八日起至二年二月二十七日止關稅一年期滿應支織造養

廉銀一萬兩內奴才實領銀五千兩其節省銀五千兩照向例奏明解繳內務府充公所有支繳養廉銀兩數目理合恭摺具奏伏乞皇上聖鑒謹奏道光二年閏三月初七日奉硃批該衙門知道欽此

七十四片

再奴才接准江蘇撫臣魏元煜咨會江蘇省上元等二十一州縣衛上年被災貧民今春欽奉恩旨賞給一月口糧並加賞口糧約共需銀五十四萬餘兩恭摺奏准予龍江關撥銀十五萬兩行令欽遵辦理等因奴才當將關庫徵存銀內照數彈兌銀十五萬兩派委署茶引所大使冷善長分批解交藩庫兌收訖至江南省城一帶地方入春以來晴雨應時土脈滋潤麥苗長發青蔥鄉農咸深歡忭閭閻感頌皇仁現在糧價照常民情安貼均足仰慰聖懷謹此附片奏聞謹奏道光二年閏三月初七日奉硃批知道了欽此

福森摺

奴才福森跪奏爲恭報徵收關稅錢糧統計正額盈餘各數目儘收儘解仰祈

聖鑒事竊關稅一年期滿例將徵收錢糧數目恭摺奏報奴才管理天津關自道光元年三月十八日起至二年三月十七日止一年期滿通共徵收稅科銀八萬五千七百一十八兩九分三厘內應解戶部正額銀四萬四百六十四兩銅觔水脚銀七千六百九十二兩三錢一分三厘又應解部科飯銀並照例支銷各項經費等銀一萬四千一百六十一兩二錢七分實收盈餘銀二萬三千四百兩五錢一分於嘉慶四年欽奉恩旨減定盈餘銀二萬兩之外多收銀三千四百兩五錢一分除報明戶部儘收儘解並另疏具題外理合恭摺奏報伏乞皇上聖鑒謹奏道光二年閏二月十二日奉硃批該部知道欽此

福森摺二

奴才福森跪奏爲奏明事竊照天津關稅課除應解戶部正額銅觔盈餘等項銀兩之外尙有應解內務府額外盈餘一項向係另摺奏交今自道光元年三月十八日起至二年三月十七日止一年期滿共收額外盈銀一萬二千三百七十一兩八錢一分謹循例奏明解交內務府查收伏乞皇上聖鑒謹奏道光



二年又三月十二日奉硃批該衙門知道欽此

戴聰摺

管理鳳陽關稅務盧鳳道臣戴聰跪奏爲關稅一年期滿徵收正盈錢糧數目據實奏明仰祈聖鑒事竊照鳳陽關稅課每年正額銀九萬一千五百五十九兩六錢又於嘉慶九年七月內承准戶部劄知籌議關稅盈餘案內奏奉欽定盈餘銀一萬七千兩二共每年應徵正額盈餘銀十萬七千一百五十九兩六錢今鳳陽關稅務自道光元年四月十五日前監督惠顯接徵起至七月初九日卸事止收銀一萬九千二百四十三兩二錢七分四厘護理鳳陽關稅務候補道錢俊於七月初十日接護起至九月初九日止收銀九千四十六兩三錢一分四厘臣荷蒙聖恩簡放盧鳳道兼管鳳陽關稅務于九月初十日接任起至道光二年閏三月十四日止收銀七萬九千一百一兩九錢二分一厘前後三任合併一年期滿通共收銀十萬七千三百九十一兩五錢九厘計溢餘銀二百三十一兩九錢九厘照例于起解時將額支鳳陽府鳳陽縣臨淮鄉三學廩餼

併支給各項經費數目呈請撫臣查核具題並造冊報部外所有一年徵收錢糧總數理合據實奏明伏乞皇上聖鑒謹奏道光二年四月二十一日奉硃批戶部知道欽此

### 達三摺

奴才達三跪奏爲恭報接收交代關稅銀數盤覈清楚仰祈聖鑒事竊奴才遵旨回任業將到任接印日期恭疏題報並繕摺叩謝天恩在案茲查兩廣督臣阮元移交關庫存貯各款銀內癸未年分前監督阿爾邦阿管理任內自嘉慶二十五年十月二十六日起至道光元年九月二十一日止計十個月零二十六日大關各口共徵銀一百二十一萬六千三百六十三兩八錢四分二厘奴才接管任內自九月二十二日起至十月十五日止計二十四日大關各口共徵銀二十萬三百六十八兩一錢八厘兩廣督臣阮元兼署任內自十月十六日起至二十五日止計十日大關各口共徵銀八萬二百九十兩五錢四分二厘合計三任一年期滿大關各口通共徵銀一百四十九萬七千二十二兩四

錢九分三厘內除道光元年七月十七日承准戶部劄行粵海關嘉慶二十四年分各項稅銀內有附解造辦處銀五萬五千兩豫省一併截留作正開銷劄行在於該關盈餘項下照數劃出批解造辦處查收等因業經照數委員批解經兩廣督臣阮元於兼署關務任內題報在案又除支銷通關經費等銀三萬五千一百六十八兩四錢二分五厘又除洋商未完進口夷稅銀七十六萬一千八百六十九兩二錢六分各口留撥兵餉及已徵未解銀五萬九百六十三兩一錢二分六厘現存庫銀五十九萬四千二十一兩六錢八分一厘另存平餘罰科截曠等銀二千八十一兩二錢一分五厘又甲申年分自道光元年十月二十六日起至二年閏二月初二日止計五個月零七日大關各口共徵銀五十五萬七千三百八十六兩九錢八分一厘內除支銷通關經費等銀六千八百六十九兩七錢一分二厘洋商未完進口夷稅銀二十二萬九千三十九兩四錢七分七厘現存庫銀二十二萬一千四百七十七兩七錢九分二厘另存平餘罰科截曠等銀七千二百七十一兩五錢四分四厘奴才俱按冊查明

逐封彈兌接收清楚其洋商未完進口夷稅銀兩現有洋商認狀存據係前監督李質穎奏明統于滿關後六個月徵齊起解經部議准應仍遵照舊定章程辦理除癸未年分稅餉已屆起解之期奴才回任後趕緊徵齊飛催委員依期分批起解外所有奴才接收關稅銀數盤覈清楚緣由除恭疏題報外理合繕摺具奏伏乞皇上聖鑒謹奏道光二年四月二十六日奉硃批知道了欽此

### 鍾靈摺

奴才鍾靈跪奏爲關稅一年期滿徵收正餘錢糧有盈無絀恭摺奏報仰祈聖鑒事竊照關稅期滿例應將徵收錢糧數目屆期奏報奴才管理天津關自道光十六年九月十八日起至十七年九月十七日止一年期滿通共徵收稅科銀八萬三千五百七兩三錢九分三厘內應解戶部正額銀四萬四百六十四兩銅斤水脚銀七千六百九十二兩三錢一分三厘又應解部科飯銀並照例支銷各項經費等銀一萬四千六十七兩五錢五分實收盈餘銀二萬一千二百八十三兩五錢三分于欽定盈餘銀二萬兩之外多收銀一千二百八十三

兩五錢三分除遵照報部一併解交並另疏具題外理合恭摺奏報伏乞皇上聖鑒謹奏道光十七年十月初二日奉硃批戶部知道欽此

鍾靈摺二

奴才鍾靈跪奏爲奏明事竊照天津關稅課除徵足應解戶部正額銅斤盈餘等項銀兩之外尙有應解內務府額外盈餘一項向係另摺奏交今自道光十六年九月十八日起至十七年九月十七日止一年期滿共徵收額外盈餘銀一萬二千三百八十八兩八錢一分謹循例奏明解交內務府查收伏乞皇上聖鑒謹奏道光十七年十月初二日奉硃批該衙門知道欽此

經額布摺

山東巡撫臣經額布跪奏爲臨清戶關徵稅一年期滿徵稅盈餘溢額以上恭摺奏祈聖鑒事竊照臨清戶關應徵稅銀向委臨清直隸州知州經徵按年將徵收數目洋請奏報茲查該關自道光十六年四月初四日起扣至十七年四月初三日一年期滿應徵正額及銅觔水脚應支役食等銀三萬七千三百七

十六兩三錢一分三厘盈餘銀一萬一千兩經徵委員臨清直隸州知州李天錫自十六年四月初四日起至十七年二月二十日卸事止接徵委員署臨清州桃源同知貴格自十七年二月二十一日日起至四月初三日年滿止二任共徵收稅銀五萬一千八百八十兩五錢四分內除正額及銅斤水脚役食等銀三萬七千三百七十六兩三錢一分三厘實盈餘銀一萬四千五百四兩二錢二分七厘按額定盈餘一萬一千兩計多收盈餘銀三千五百四兩二錢二分七厘其多收之由緣上年直隸山東糧價較昂河南江南商販趨利運賣過關糧載較多是以抽收溢額據濟東泰武臨道寶清轉據署臨清直隸州知州徐宗幹詳請具奏前來臣覆查無異餘飭取徵收支解清冊另行恭疏具題照例起解外謹恭摺具奏伏乞皇上聖鑒謹奏道光十七年十月初五日奉硃批戶部知道欽此

明倫摺

奴才明倫跪奏爲關稅一年期滿據實陳明仰祈聖鑒事竊查龍江西新關工

戶正額盈餘每年應徵銀十八萬六千九百八十三兩五錢五分今自道光十六年八月二十八日起扣至十七年八月二十七日止實收工稅銀十一萬五百七十二兩六錢四分一釐戶稅銀四萬一千三百九十五兩二錢七分三釐共收過稅銀十五萬一千九百六十七兩九錢一分四釐內除工戶正額銀九萬八千九百八十三兩五錢五分徵足外計收盈餘銀五萬二千九百八十四兩三錢六分四釐仍短收盈餘銀三萬五千一十五兩六錢三分六釐實係奴才辦理不善有負皇上格外天恩萬分恐懼無地自容所短銀兩著落奴才照例賠繳並請將奴才交部從重議處以爲經徵不能足額者戒除將收支稅銀數目另疏具題報部考核並動支公用銀兩及應解併平銀數報明內務府查核外所有關稅期滿恭摺奏聞伏乞皇上聖鑒謹奏道光十七年十月十七日奉硃批戶部議奏欽此

嵩溥摺

福州將軍兼管閩關奴才嵩溥跪奏爲閩海關一年期滿徵收稅課有餘循例



奏聞仰祈聖鑒事竊照閩海關每年額徵正稅銀七萬三千五百四十九兩五錢四分七釐又欽定盈餘銀一十一萬三千兩二共應徵銀一十八萬六千五百四十九兩五錢四分七釐茲閩海關自道光十七年四月十六日閩浙總督臣鍾祥題明接管起至七月十二日止計管關二箇月零二十七日徵稅銀五萬二千六百三十兩二錢七分四釐奴才嵩溥自七月十三日到任接管起至道光十八年四月十五日年滿止計管關九個月零三日徵稅銀一十三萬八千三十四兩八錢三釐照例兩任接算合計一年期滿據各口報收各項稅銀一十九萬一千六百六十五兩七分七釐比較正額稅銀並欽定盈餘額數之外多收銀五千一百一十五兩五錢三分除俟各口稅銀解到齊全按款造冊另疏題報外所有閩海關一年期滿徵收稅課有餘恭摺具奏伏乞皇上聖鑒謹奏道光十八年五月十七日奉硃批戶部知道欽此

璇珠摺

奴才璇珠跪奏爲奏明關稅平銀事竊查潛暨關征收商稅每兩平銀五分八

釐乾隆二十九年經戶部議奏嗣後照數徵收將每年收支存剩各款數目分晰造冊報部查核等因奉旨依議欽此欽遵在案今查道光十五年正月初三日起連閏至十二月初二日止一年期滿共收平餘銀一萬五千七百二十兩三錢六分除照部定應准加平飯食及傾鎔火耗等項動用銀五千五百八十二兩五錢一分現將收支存剩各數造冊報部查核再此項平銀內有併平餘銀六千七十六兩九分向例解交織造衙門准動用銀三千兩貼補公用不敷其餘剩銀兩具摺奏解今該年積得併平餘銀六千七十六兩九分因織造衙門公用不敷于例支補貼銀三千兩內動用銀一千六十七兩九錢二分五釐通共該存銀九千六十九兩九錢二分五釐相應循例解赴內務府銀庫交納謹恭摺具奏伏乞皇上聖鑒再奴才節次奉到硃批摺十件一併恭繳謹奏道光十八年五月二十一日奉硃批該衙門知道欽此

烏爾恭額摺

浙江巡撫臣烏爾恭額跪奏爲浙海關一年期滿徵收稅銀並賠補短徵盈餘

銀兩恭摺具奏仰祈聖鑒事竊照浙海關每年額徵銅斤水脚銀三萬五千九百八兩二錢三分又嘉慶九年奉旨浙海關盈餘額數著定爲四萬四千兩又道光十年五月內接准部咨奉旨各關應徵盈餘銀數以六成作爲額內盈餘遇有短少並著落賠補仍按分議處以四成作爲額外盈餘遇有短少著落賠繳免其處分等因欽遵在案茲據護海關寧紹台道李紹昉詳稱關稅應按年考覈今查自道光十七年四月初九日起扣至十八年四月初八日止一年期滿共徵正稅銀七萬九千五百一十兩四錢五分除正額銅斤水脚銀三萬五千九百八兩二錢三分實徵盈餘銀四萬三千六百二兩二錢二分比較欽定盈餘額數計缺徵銀三百九十七兩七錢八分緣上年並無報往暹邏貿易及回棹商船亦無閩廣船隻收泊致盈餘稅額稍有短絀自應照額賠補等情具詳前來臣詳覈該關收稅簿冊尙無徵多報少情弊按成計算所短係額外盈餘例免處分除飭將徵收稅銀及賠補盈餘不敷銀兩趕緊解部另疏具題外理合循例恭摺具奏伏乞皇上聖鑒謹奏道光十八年五月二十六日奉硃批

戶部知道欽此

鍾靈摺三

奴才鍾靈跪奏爲關稅一年期滿徵收正餘錢糧有餘無絀恭摺奏報仰祈聖鑒事竊照關稅期滿例應將徵收錢糧數目屆期奏報奴才管理天津關自道光十七年九月十八日起連閏扣至十八年八月十七日止一年期滿通共徵收稅科銀八萬三千五百七十七兩八錢九分三釐內應解戶部正額銀四萬四百六十四兩銅斤水脚銀七千六百九十二兩三錢一分三釐又應解部科飯銀并照例支銷各項經費等銀一萬四千六十七兩九錢九分實收盈餘銀二萬一千二百九十三兩五錢九分於欽定盈餘銀二萬兩之外多收銀一千二百九十三兩五錢九分除遵照報部一併解交并另疏具題外理合恭摺奏報伏乞皇上聖鑒謹奏道光十八年九月初一日奉硃批戶部知道欽此

蘇章安摺

奴才蘇章安跪奏爲關稅一年期滿據實陳明仰祈聖鑒事竊查龍江西新關

工戶正額盈餘每年共應徵銀十八萬六千九百八十三兩五錢五分內工稅定額銀十一萬二千六百七兩二錢二分五釐戶稅定額銀七萬四千三百七十六兩三錢二分五釐除工戶正額銀九萬八千九百八十三兩五錢五分計應徵工戶盈餘銀八萬八千兩向例工戶通融比較均經奉部行知在案又道光十年奉戶部劄知遵旨會議各關徵收稅銀分別功過各按盈餘額數以六成作為額內盈餘以四成作為額外盈餘遇有短少分別追賠議處俱令于奏報摺內聲叙等因查前任監督明倫自道光十七年八月二十八日新季開徵起截至十月二十六日卸任止收過稅銀一萬二千三百三十八兩八分六厘奴才于十月二十七日到任接徵起連閏扣至十八年七月二十七日關期屆滿止收過稅銀十二萬七千四百二十一兩八錢五分合計奴才一年兩任共收銀十四萬七百五十九兩九錢三分六釐內工稅銀九萬九千一百八十八兩一錢七分四釐戶稅銀四萬一千五百七十一兩七錢六分二釐照例通融比較奴才正額徵足外連前任共短收銀四萬六千二百二十三兩六錢一分

四釐內前任監督明倫經徵五十九日少收銀一萬七千三百六兩四錢四分內計少收正額銀二千八百八十四兩二錢一分九釐奴才接徵三百一日止少收盈餘銀二萬八千九百一十七兩一錢七分四釐伏查龍江關工稅以竹木爲大宗煤炭油糖次之奴才自去冬到任之後勉力催徵無如木簾把仔較前甚少奴才詢之輿論僉稱近年運到木植存灘尙多行市頗滯一時難以銷售各商積壓成本未能輓轡轉運且有未抵關境卽在上游分售者是以本年工稅未能敷額至西新關戶稅惟藉進城絲觔出城綢緞而本年產絲之鄉雨澤愆期蠶食稀少絲價倍形昂貴以致絲觔綢緞轉運維艱戶稅尤爲短絀此徵收盈餘未能足額之實在情形也奴才仰沐鴻慈畀以關差重任亟宜設法徵收勉圖報稱乃經徵未能足額實屬奴才辦理不善有負皇上天恩殊深悚懼惟有請將短收銀兩著落奴才及明倫各按經徵之日遵限賠繳仍請旨將奴才交部從重議處除將收支撥解銀兩數目另疏具題報部考核並動支公用銀兩及應解併平銀數報明內務府查核外所有關稅一年期滿緣由理合

恭摺據實奏聞伏乞皇上聖鑒謹奏道光十八年九月初十日奉硃批戶部議奏欽此

胡調元摺

管理鳳陽關稅務廬鳳道臣胡調元跪奏爲關稅一年期滿徵收正盈錢糧數目據實奏明仰祈聖鑒事竊照鳳陽關稅課每年正額銀九萬一百五十九兩六錢又於嘉慶九年七月內承准戶部劄知籌議關稅盈餘案內奏奉欽定盈餘銀一萬七千兩每年應徵正額盈餘銀十萬七千一百五十九兩六錢今查鳳陽關稅務自道光十七年十月十五日接徵起連閏扣至十八年九月十四日一年期滿共收銀十萬八千四百九十兩七錢二分九釐除應徵正額銀九萬一百五十九兩六錢并欽定盈餘銀一萬七千兩外計溢收盈餘銀一千三百三十一兩一錢二分九釐儘收儘解俟起解時將額支鳳陽府縣學廩餼並支給經費各款照例呈請撫臣查覈具題並造冊報部外合將一年期滿錢糧總數據實奏明伏乞皇上聖鑒謹奏道光十八年十月十九日奉硃批戶部知



道欽此

長良摺

奴才長良跪奏爲關稅一年期滿據實陳明恭摺奏祈聖鑒事竊查准宿海三關每年正額稅銀二十五萬四千三百六十三兩六錢二釐又蒙欽定盈餘銀十一萬兩共應徵收銀三十六萬四千三百六十三兩六錢二釐前自道光十七年十一月十二日起連閏至十八年八月初五日止前監督克明額經徵二百九十四日三關共收銀二十四萬九千二百八十三兩四錢四釐按日攤算除正額足數外計少收盈餘銀四萬八千二百八十二兩二錢四釐先經奴才于接收庫貯錢糧摺內奏明在案又自本年八月初六日起至十月十一日止奴才經徵六十六日三關共收銀六萬六千六百六十一兩二錢三分五釐按日攤算除正額並額內盈餘足數外計少收額外盈餘銀六千一百三十八兩七錢五分九釐統計一年兩任合共收徵正額盈餘銀三十萬九千九百四十四兩六錢三分九釐共短收盈餘銀五萬四千四百一十八兩九錢六分三釐伏查准

宿關稅以豫省豆載爲來源奴才於八月到任後因見逐日貨船較少再三訪詢僉稱本年夏令氣候稍涼豫省早豆收成歉薄九月以後江南一帶處處豐收糧價平減以致上游豆載總未踴躍來關又值回空漕船灌塘南下民販船隻僅能插檔行走已屆關滿錢糧趕補不及此盈餘短收之實在情形也奴才渥荷聖慈畀以錢糧重任未能設法辦理徵足額外盈餘五內悚惶莫可言喻惟有仰懇天恩將少收盈餘銀兩著落奴才及克明額照例分賠並請交部議處至淮安倉徵收茶稅銀五十九兩五錢六釐海關徵收海船樑頭鈔銀三百四十九兩二錢二釐例係儘收儘解毋庸比較再兩淮運庫每年例解鹽鈔銀一萬兩奴才按季咨催尙有未經解到銀二千五百兩本年徵收火耗不敷經費循例動支盈餘銀五千五百九兩八錢一釐合並陳明除將解支各款造冊報部另疏具題外所有淮宿海等關兩任合徵一年錢糧期滿理合恭摺具奏伏乞皇上聖鑒謹奏道光十八年十一月十六日奉硃批戶部議奏欽此

琦善摺

大學士署直隸總督臣琦善跪奏爲天津道徵收海稅一年期滿恭摺奏祈聖鑒事竊照天津海稅每年定額徵收銀四萬兩以二萬六千兩作爲正額解部內除照例支銷書役工食等銀二千六百兩外實應解部銀二萬三千四百兩其餘銀一萬四千兩作爲盈餘如再有餘項作爲溢餘儘數報明同盈餘銀兩一併解貯藩庫充地方公用歷經派委天津道管理將徵收稅銀每期按年奏報在案茲據天津道王允中稟稱道光十八年徵收海稅自二月二十五日開河起至十月二十八日封河止共計徵收稅銀四萬二百十三兩四錢將正額銀二萬六千兩盈餘銀一萬四千兩溢餘銀二百十三兩四錢仍請循例分別支解前來臣查與奏准每年應徵銀每次支解各款俱屬相符所有道光十八年徵收海稅足額緣由理合恭摺具奏伏乞皇上聖鑒再道光十九年稅務並請仍飭該道管理合併陳明謹奏道光十八年十一月二十四日奉硃批戶部知道欽此

多齡摺

戶部郎中奴才多齡跪奏爲奏聞請旨事竊奴才荷蒙皇上天恩管理山海關稅務於道光十八年十月十二日到任接前任監督齡鑑移交自道光十八年四月二十八日起連閏至十月十一日止奴才自十月十二日起扣至道光十九年三月二十七日止前後接算共計一年關期任滿遵卽預行報部經戶部具題奉旨由海關稅務仍著多齡接管俟扣足本任一年再行更替欽此欽遵劄行到關經奴才恭摺將前任暨奴才任內共徵收正額盈餘銀兩數目以及動支款項分晰具奏欽奉硃批知道了欽此欽遵在案今奴才自道光十九年三月二十八日起扣至十月十一日止本任一年滿期遵照定例將續徵六個月十四日正額盈餘銀兩五萬九千八百八十六兩三錢八分八釐人參稅銀七十三兩三錢六分九厘移交新任監督景福歸入下屆報銷以昭畫一所有正額銀兩除照例解交戶部外其奴才本任內所收盈餘銀兩較欽定盈餘額數前後共多收銀一千七百三十五兩五錢實應交盈餘銀三萬六千四百九十九兩六分五厘請交何處伏候聖明指示遵行謹奏請旨道光二十年二月

十三日

鄭家麟摺

管理鳳陽關稅務盧鳳道臣鄭家麟跪奏為關稅一年期滿徵收正盈錢糧數目據實奏明仰祈聖鑒事竊照鳳陽關稅課每年正額銀九萬一百五十九兩六錢又於嘉慶九年戶部奏奉欽定盈餘銀一萬七千兩每年應徵正額盈餘銀十萬七千一百五十九兩六錢今查鳳陽關稅務臣自道光十九年九月十五日接徵起至二十年二月十五日經撫臣程楙宋奏委署理臬司印務卸事止計五個月一日收銀三萬七千八百四十五兩一錢一分兼護鳳陽關稅務鳳陽府知府吳振械於二月十六日接徵起至四月十五日卸事止計兩個月收銀一萬二千五百六十兩八錢臣於四月十六日交卸臬司印務回任至九

月十四日計四個月二十九日收銀五萬六千九百七十六兩九錢一分四釐前後兩任合併一年期滿通共收銀十萬七千三百八十二兩八錢二分四釐除應徵正額銀九萬一千五百九十九兩六錢並欽定盈餘銀一萬七千兩計溢餘銀二百二十三兩二錢二分四釐儘數支解除將額支鳳陽府縣學廩餼並支給經費各款循例於起解關課時呈請撫臣查覈具題並造冊報部外合將一年徵收錢糧總數據實奏明伏乞皇上聖鑒謹奏道光二十

年十月二十五日奉硃批戶部知道欽此